

5563.8
8068
v.5

剛齋遺稿
信

BERKELEY
LIBRARY
UNIVERSITY OF
CALIFORNIA

...

...

...

...

...

...

...


...

...

...

...

...



剛齋遺稿卷之十

雜著

題南館倦遊歸後

飛鳳山花卉水淨寺谷簾玉流亭雪月合江浦漁火真城之勝槩也五載于茲某水也某邱也莫非吾童子時所釣遊今於數十載之後翻々然夢魂未嘗不往來于這間是一榮緣也時先府君在不肖未曾親自督課而任其看讀無令間斷而已課誦之外一日看綱目五六板或七八板以為恒式初則字喻句析過一二卷漸至意解而理順雖於符次之隙舉燭之後必令臨講如非病與駕則不曾廢却如是者三十餘卷也有申翰成李柱範者一以儒雅一以醫藥出入官府忠原從叔有故不來余或受書於此二人矣回憶當日事恍然如前塵影子未知此二老尚無恙在世乎少日釣遊之地尚不可忘况從遊講學之人其可忘諸適被巾行得在

衙時所作抄謄若干首俾為因辭竊想之資焉

又

客有問曰子之在南館十有餘載然及乎冠強半在洛且屠維以來又非在南之日也今其歸伊時吟哢酬唱之什而摠謂之南館倦遊者何也余笑而對曰是編也豈其文詞為哉特因往跡以寓其不能忘情之懷耳噫南館即一萍鄉之逆旅也吾所不能忘者不在乎山川風物之美臺榭聲色之娛是不過乎平日所與從遊之人則因其詞而想其人想其人而玩其詞亦不為無助也予於真城受學于忠原從叔父於龍洲講道于竹下李上舍至如柳丈思叔李生元彬之來歲同苦滋益弘多在洛則同堂而有從叔道舜同庚而有李德如朴景則朴東卿同閑而有洪子厚李善善中柳致凝皆吾同業同志之人也於焉數十年之間或以為泉臺人或分離睽張不得朝夕焉同我遊者凡今幾人矣回想當日方其接杯酒

臨硯繫我唱而君酬其歡情款意尚可以想像也其間閑漫吟咏如北燕
送行之序松京遊賞之詩並皆編入焉其示不忘則一也統而名之以南
館錄者不亦宜乎然真城之作則以呈忠原從叔詩揭之篇首龍洲之詠
則起於竹下止於竹下噫吾所以於南館之中最不能忘情者在此二人
故也詩不云乎高山仰止景行_止止其斯之謂歟客亦唯_々而退仍記其
答問之語以為後日之徵云丙子陽月書

義狗碑銘

善山石硯

洛江之滸石硯之傍巋然短碣義狗之藏野火燎原烈燄俱揚彼昏不知
醉眠如羊日落人絕爾獨彷徨濡尾爛額主全身之智義獲存物具人綱
我作爾銘以示無疆

廣行日錄

歲乙酉仲春甲子剛齋金洛元近思齋成聖思訪李山雲於廣之池谷行

到半程舍騎而徒剛齋子濟大近思第述默使一奚負書笈從焉剛齋顧謂近思曰吾儕平居悠泛日多看書濶略無所憤排雖遇先覺益友無以發問辨難彼先覺益友雖欲矜其不能而啓發之將何所施使曾子如無隨事精察真積力久之工安得聞一貫之語雖有一貫之語又安能聲入心通誠可愧也近思曰然於焉山日向夕行色闌珊到山角小店暫歇行數里望見一洞口衆村氓夾溪種樹山雲頽然立巖下近思與二少年拜于路左剛齋揖而言曰東郭一分久擬委造今始踐言矣山雲曰感茲遠臨得無行程之憊乎仍相隨到宅上坐臨淵堂問曰彼一少年為誰剛齋曰是吾迷兒教養無素聞見淺陋欲令瞻望履舄之餘知於流俗之外自有一等法家規範耳山雲笑曰何乃捨近而就遠乎近蓋有所指也留一日近思拈孟子大學等書數條講討文義問曰集傳字句間不無可疑者仍質管見一二處山雲曰始起疑而終歸於無疑可也近之纔有所疑不

復深究已於程朱緒論輒有不滿底意願不為人心世道之大害乎近思
曰愚之所疑只是無緊關字義而已非如近來一種人意在侮賢而吹毛
覓疵則今者所教恐欠原恕之論山雲笑曰老夫此言非為君設大抵後
學於先賢是非上如聞父母之名口不可道然後民志壹世道靖此義不
可不加勉又舉人皆可為堯舜之句謂之曰此信然乎近思曰理固有之
聖人導人當示標準之挫何可舍堯舜稱湯武曰人皆可以為湯武乎此
猶世人之勸子弟文筆必使法退之做羲之之意也歟山雲曰得之剛齋
曰近有一書名曰語孟字義予聞之否山雲曰是誰所著剛齋曰倭國人
有姓伊藤名維禎者古學先生者也其學專主語孟以為性理及體用等
語乃宋儒剽竊佛家語以文儒術至目朱子為禪儒云而其書未得見之
山雲曰吾亦聞諸一友嘗欲採撫經文劈破彼說而如體用等字未知有
考據云爾近思曰借彼明吾朱子亦已言之矣且聖賢立言未嘗一蹈

襲何可以不見於經者為話欄乎適聞籬底有伐木聲山雲頽謂剛齋曰
子聞鼎斧之語乎有兩人相善一貧一富富者語貧者曰令行妻子君不
如我相與難之富者曰可試之即其座上呼妻而撒鼎命子而斫楹言出
即行貧者歸亦如之妻訕子諍開而後從貧者愧服此語雖俚極有理蓋
此令行令不行非如孟子使人不以道不行於妻子之謂而彼起身為富
者未有不以智力御人者此可見貧不能御妻子者無德無才故也又
曰今世所謂女子冠笄多所未備俗所稱簇堯哩於傳無據且頭有所加
而腰無所帶以之事神見長恬不為恠豈非悖禮之甚乎華冠似勝於簇
堯假髻又勝於華冠考諸家禮亦有可據故吾家以假髻定用而以碧苧
布作有袖背子其上着大帶稍為近古未知如何若以知舊家所未通用
而欲避俗嗤而不行則古禮無可行之日故吾則從吾所好而亦有隣里
一二家倣用者矣髻樣如龜板以鐵絲揉作二層四旁有柱上面塗紙前

高後抵高亦寸許以鬚長尺餘者從前柱束以毛段向上面鞞之分纒而旁至後柱合縫處綴以雙纓女前加小簪髮則辨作薑髻卷在頭上或用俗制娘子着在腦後者也所謂娘子固當不用而吾家亦未免俗向於子婦已許用矣剛齋笑曰女子一人頭上不可無用古今禮俗則除之如何山雲笑而唯之剛齋曰深衣制度先儒聚訟不一其端未知何所適從山雲曰余作嘉禮備要至於深衣一從朱子定制但有一節不同者裕二寸緣通皆寸半亦取朱子定論矣大抵此等儀節要當循蹈前轍不可尋意變改雖於古經或未盡合不害為先賢之法服抑堯夫今人當服今人衣之說朱子已論之此辭不可不慎也近思曰時祭儀節以古禮有尸故多與神交接之義而今則似有變通知胙設之辭且不堪當今或有不用此儀云未知如何山雲曰愛禮存羊豈虛偽哉家禮既不刪去則朱子之見曾不若今人乎自有深意存焉何敢遽議其損益耶剛齋問山雲曰近日工課何書山

雲曰疾病近甚東閣經傳久矣弟有一事自先祖以下至祖補畧撮事實
附以詩篇各如干首為單卷冊子將謀登梓姑未盡校讎之役矣近思欲
枉而問曰苟欲學問則四書是體六經是用不可偏廢才分無以及此者不
足謂之學耶山雲曰余則一部小學尚患讀未熟耳近思又以其弟授業誠
心仰托不啻累千言其略曰大本不立事無可為必有事焉求其放心亦惟吾
誘之如何耳渠雖下愚豈無一點明處因其耶明而加納約自牖之教或有其
道耶且論師生之分矣乎君臣父子之天倫有不可廢誠以師不教則臣子不
子故也山雲曰自今人言之雖以鄉黨自好者為師其視無忌憚猶賢乎已若責以師
道之極則除非有道者夫孰敢自任乎二宵留宿貧家饌品物備而禮厚剛齋
笑曰有朋自遠方來主人雖樂之客也愧非其朋且如此待客得無有謝上蔡事
要好之病乎山雲曰詩云我有旨酒以燕樂嘉賓之心疏糲誠可愧惡然接賓
亦禮之大節有無隨時盡吾心而已矣剛齋曰明將歸矣昔人之興國鵲湖至今

稱盛會此非吾輩耶敢擬議尋得開界爭區一宵文話不害為韻事去此奔
蒼地有奉恩寺可得偕作乎山雲曰敢不唯命二子寅旦寅翊從之早起料
理晚飯乃步行少長濟之凡七人路由宮村武滄江贅居之間過廣平大君墓
逶迤山逕到秀谷祠之即李峒隱義健趙滄江涑李迂齋源源俎豆之所賜
額之院焚香祇謁後坐景行堂拈近思錄人性本善有不可革章各讀一
遍訖咸請發問錄義山雲嫌以答問自居固辭而止之命院隸設午殮行十
餘里到寺乃乘月推乃楹步到江岸松影隱之遙望水色沙光澄然作銀色
世界吟時少頃而歸佛燈青熒僧語初定仍講周濂溪太極圖說程伊
川好學論畧有問答剛齋問曰世有修丹學者專精注想則心體光明
圓活恍若有見頗有頓悟底意然後應事者書輒有異信然乎山雲
曰理或然矣然如丹學禪學者工較易彼皆絕物棄事故也過七情掃六根
乃有成若過喜過哀則心丹乃破難以復收安能酬接事務乎至於吾儒敬

字工夫宰衆理應萬事所以為難身余於少時試做存心工夫則時月之間若有所得之難言者然則不獨道家存想之為有驗也朱子調息箴所謂曼端有自我其觀之者至今時試之亦不無下氣之效又問卜筮之道聖人之間易爻辭多有符合信然否山雲曰然昔退溪病革遇謙九三曰君子有終吉門人皆以為吉退翁獨知其不淑若此類者多又論詩文山雲曰凡為詩文就字句間增刪不得方為能文如范滂公弑從子詩雖非高古嘗試加點鼠則終無可議蓋其成家故也又曰福善禍淫之理天老難謾鎮川有一人積庄穀以千數值凶荒貧族多濱死者其父勸賙之終不聽其父往忠州所穀所以百石分與之其子即往督還其父憤恚不食而死鄉攻逐之所去不容遂等室於無人之境乃於治基之際得二大瓮皆錢也此是近事人多傳說何理之舛若是也近思曰此有一辟言嘗見人家小婢盜竊飲食主母怒之盡與其盜竊之餘使之充其慾者即所以大其禍亦將取姑予之意也天其或者試此人

歟近思起敬而言曰自念空疎顓蒙但有一分好善之心而已必欲將勸則
謹勅二字誠足矣竊聞近者人或有指目而嘲笑之此無乃門下向人過獎
之致歟剛齋笑曰執耒耜而諱農夫號可乎山雲愀然良久乃作而答曰
有人於此一人懋其實而避其名一人尚其名而無其實蓋避名雖善於尚
名其流弊則有可言者尚名之家未必實德實行之無備而能知尊學問貴
名檢故一再傳而猶有後生之可觀亦不無因其名勉其實者矣向所謂
懋實之人虛名顧憂虛譽之難副故反致疎學問而畧名檢不待傳而其身已
賊其德矣此豈非欲避其名遂亡其實者耶況後生少輩遂真以學問為盜名
而身自陷於美狄禽獸之域其禍果何如也吾輩所勉惟務實而已不必避其
名之之有無但忘之可也又況今之名非譽也乃所以毀之者乎盍與吾黨勉
之哉翌日早飯訖三少年陪山雲返池谷剛齋率其子伴近思同舟過豆湖
謁松下李丈李丈問此行所由喟然嘆曰善哉斯行也點心後來夕陽而

歸々數日各記所聞所見之大略以備觀省而潤色之輯錄之名曰廣行
日錄者剛齋金洛元也將以示諸少年故各書齋號以別焉仍奉質於山
雲云

申友龜徵席上記少年話

有一少年曰中原幅員之廣莫盛於今梯航所通薄于四海彼北邊沙
漠之地昔日匈奴鳥獸散逐水草舍處今為耕墾土著生齒日繁皆
有監牧即蒙古部落也其地廣殆與中州等至於西竺佛國今在幅員
之內佛教皆已消亡今如千寺刹所謂水月殿堯寧宮者反剽竊中國
文字而名之曩時有準唱角作亂西陲為患甚大乾隆送十萬兵精不
月討平之當初釋氏不立文字晉魏唐宋間能文好事者緣歸傳會作
為經文流布中國誑惑後世此豈釋氏之罪也哉且佛教之外有黃教
者頗為熾盛二京至不能禁然今鑾貂胡羯之人皆知尊崇孔子儒術

於是大明雖有異端固不足矣曆象之精密莫若如日月蝕皆有常度
詩書春秋以為災異不害為恐懼修省之資然當食不食之說理耶必
無抑亦當時曆學不明不能推步而然歟天者氣也非但地上又為天雖
地下百丈亦天天有九重之說誠不可破以曆家推步之法觀之必九重日殊
道然後可以合度矣如山河影之者朱子經註亦以為地影然若於上
下絃相對在天之時亦有是影抑地影倒射而然歟殊可疑又曰伏羲
河圖不過俯察中一事未必作易專取義圖神禹叙疇先儒以為原於洛
書九數而九疇之於九數未免其強排其中貌言視聽思之分配五行以驗庶
徵大啓漢儒傳會穿鑿之弊矣且圖說之作非古也孔子易繫只有易有
太極四字而濂溪因此作圖又添無極圈於太極圈上以至陽陰五行男女
蕩物絜出許多圈子使人眩眩亂矣又曰朱子箋註或有偶失照檢處
論語註三歸之為一娶三女而以蔓釋之子糾即兄也故以子字加之

今云子糾弟也桓公兄也此類不可不辨主人曰詩傳于嗟乎騶虞何以觀之鄙意則從一說作騶人虞人者則似好少年曰然騶虞之為獸名別無可據或以四靈配五行而一則不足故以騶虞配之此漢儒之說也又曰詩三百一言蔽之曰思無邪何謂也主人曰以集註觀之懲創感發耶以為思無邪少年曰然則詩之教然後乃通若曰詩三百則不講究矯揉之策而工商既不可為則歸農差可矣近有一人生理剝落乃以單身走入峽中躬耒墾土居之數年稍贏餘下峽娶婦仍野居經歲又無資養生就其洞教兒糊口則無以救妻子之飢矣乃上京問策于永平楊門相公則曰歸而修舉業可也年既婉晚無以行其言又問一高士則曰無已則還為教長可也其人於心終不快來問吾家大人大人答曰安可辭勤苦更繫歸峽中依旧作農不亦可乎其人乃犁然而歸云余在傍聽之不覺起敬問家安在曰在南村少為少年先辭去問于主人乃金弘遠金海人時

年二十一也

命義初

帝若曰軒谷吹

拊五辰之際爰

齊七政克輸春耕

推步之法而雲觀

百四十度自致氣

每歲歲序之或差

治渾昧歸餘於

方玄象有眇漠

歲有六日之贏孰任正時而愆日惟甬時際午日之運世掌占星之官暨旦伯

仲而其貞實居重黎之舊職察上下而幽贊不讓容成之神才逮茲觀乎天而

語未明快明儒一人釋之曰苟於三百篇中求一言可救者莫如思無邪此說亦未
妥矣又曰人之心體果能體驗否醫家以為五臟皆有心然否主人曰道不離器有
神明舍於心臟上故謂之靈通者是少年曰中庸首章訓性字何不云道也而曰理也
主人曰道以人所共由而言理以各有條理而言一體之中然有分數少年曰理字訓
詰當如何主人曰物之脉理惟玉最密古人多以玉理為言少年曰以見於經傳者言之
如易之黃中通理繫辭之俯察於地理孟子之理也然條理之說固非一再終無正
訓矣又曰未發之中不可以語凡人否主人曰此章只就本然之性言之聖氏豈有加損也
至於大本未立之人未發而不中朱子或問已詳言之固不可以霎時光景便謂
之無偏倚之中也明矣少年曰然則眾人無未發之中此說近之否主人曰如此說
去亦有語病譬如孔門論人說有一事之仁而未敢遽許以仁也語屢轉未
清儒素枚著經說至論良知之學以為孟子與王陽明皆不知良知出於血氣何
以言之有人於此生子而乳養於他人及其孩提必愛其乳嫗而必敬其家之長是
皆由愛育血軀之致非出於本然之性而然也此言亦似有理矣仍曰高麗四
百年能行分田之制末梢有弊恭讓王焚其籍遂蕩然無可攷目今士大夫
即四民之一如非仕宦聊無生理不可

今云子糾弟也桓公兄也此類不可不辨主人曰詩傳于嗟乎騶虞何以觀之鄙意則從一說作騶人虞人者則似好少年曰然騶虞之為獸名別無可據或以四靈配五行而一則不足故以騶虞配之此漢儒之說也又曰詩三百一言弊之曰思無邪何謂也主人曰以集註觀之懲創感發耶以為思無邪少年曰然則詩之教然後乃通若曰詩三百則不講究矯揉之策而工商既不可為則歸農差可矣近有一人生理剝落乃以單身走入峽中躬耒墾土居之數年稍贏餘下峽娶婦仍野居經歲又無以資生就其洞教兒糊口則無以救妻子之飢矣乃上京問策于永平楊門相公則曰歸而修舉業可也年既婉晚無以行其言又問一高士則曰無已則還為教長可也其人於心終不快來問吾家大人大人答曰安可辭勤苦更絮歸峽中依旧作農不亦可乎其人乃犁然而歸云余在傍聽之不覺起敬問家安在曰在南村少焉少年先辭去問于主人乃金弘遠金海人時

語未明快明儒一人釋之曰苟於三百篇中求一言可救者莫如思無邪此說亦未
妥矣又曰人之心體果能體驗否醫家以為五臟皆有心然否主人曰道不離器有
神明舍於心臟上故謂之靈通者是少年曰中庸首章訓性字何不云道也而曰理也
主人曰道以人所共由而言理以各有條理而言一體之中煞有分數少年曰理字訓
詰當如何主人曰物之脉理惟玉最密古人多以玉理為言少年曰以見於經傳者言之
如易之黃中通理繫辭之俯察於地理孟子之理也終條理之說固非一再終無正
訓矣又曰未發之中不可以語凡人否主人曰此章只就本然之性言之聖氏豈有加損也
至於大本未立之人未發而不中朱子或問已詳言之固不可以霎時光景便謂
之無偏倚之中也明矣少年曰然則眾人無未發之中此說近之否主人曰如此說
去亦有語病譬如孔門論人說有一事之仁而未敢遽許以仁也語屢轉未
能盡說少年曰
清儒袁枚著經說至論良知之學以為孟子與王陽明皆不知良知出於血氣何
以言之有人於此生子而乳養於他人及其孩提必愛其乳嫗而必敬其家之長是
皆由愛育血軀之致非出於本然之性而然也此言亦似有理矣仍曰高麗四
百年能行分田之制末稍有弊恭讓王焚其籍遂蕩然無可攷目今士大夫
卽四民之一如非仕宦聊無生理不可

今云子糾弟也桓公兄也此類不可不辨主人曰詩傳于嗟乎騶虞何
以觀之鄙意則從一說作騶人虞人者則似好少年曰然騶虞之為獸
名別無可據或以四靈配五行而一則不足故以騶
說也又曰詩三百一言弊之曰思

臧發耶以為思

矯揉

走入峽

生就其

公則曰

為教長可

歸峽中依

敬問家安

儒之

心創

究

才

八

年二十一也

命義和以閏月定四時成歲詔

帝若曰軒谷吹雨節之仰同律恆時義廷抽百莖之著歸奇象閏茲當
拊五辰之際爰降命四子之音蓋聞王政莫先於參三歲功必資於定四聖人以
齊七政克輸春耕秋穫之有期皇天對越一心耶貴歲月日時之無易第星曆欠
推步之法而雲觀昧置閏之規起提提一萬八千年誰識月遲而日速積分數九
百四十度自致氣盈而朔虛三元之軌躅孔昭縱有乾道之默運一天之經緯莫驗
每患歲序之或差時同炎皇作蜡祭之辰政惡優端于始世遠金天頒鳳曆之
治渾昧歸餘於終肆朕政先授時念功欽昊冊賞驗開落之瑞不過知旬朔之
方玄象有眇漠之嘆曷為紀曆數之美二氣調四序之候方輪違極而體天一
歲有六日之贏醜孰任正時而愆日惟甬時際午日之運世掌占星之官暨伯
仲而共貞實居重黎之舊職察上下而幽贊不讓容成之神才逮茲觀乎天而

察時尤宜積餘日而成閏節二十四候而時定顧民事豈可緩乎晷三百六旬而歲成冝天工人其代也茲命羲轅和分掌四方平秩之責俾效三才參贊之功消息盈虛之不齊初五年再閏之法懸象著明之莫大致四時一定之休苟不推日月疾徐之分以置閏朔則何占寒暑迭遷之序敬授人時於戲五紀之皇文用章千載之日至可致風調雨順咸囿於萬之休東作西成庶贊熙百之治故茲教示想宜知悉

命羲轅和分掌四方平秩之責

帝若曰星拱北辰於焉繼天之極日轉南陸久矣行夏之時茲當千會之期乃有申命之舉蓋聞彼南方交趾之地即東暉測影之邦萬物相見于禹聖人取嚮明之象四時莫大於夏雲臺有推步之規第緣火正之職久壞每歎南訛之治未洽當萬物長養之候誰識輔相之得冝逮百穀播種之時或致耘耔之愆節惟其島希而數革縱生成之自然至若日昃而星奎泰躔度

之莫察肆朕猥膺天位克艱之責尤重星曆敬授之官溯撰得於一篇八
千運際亭午測分度於三百六十政在拊辰嗟四時節氣之各殊係三農
豐歉之攸判夏冬覲長短之影始於金天南北察分至之功肇自黃帝頃
當孟陬占星之會已降東極賓日之音至於南文明都在朱雀之鄉群陽
用事大火耀蒼龍之次萬品流享三辰立雙黑之環已察七政之順軌羣嶺
闡中黃之宅孰贊四表之被光惟爾仰稽天文世掌星紀暨和氏而分職實居
重黎之舊官與仲考而效才不讓容成之神智爰命爾往宅焉體予申誥
之意盡爾寅賓之方猗五月南至于此維與宅嗟千歲坐致也敬以在官炎鄉
近祝融之墟政當行夏令之日設管嘯蕤賓之律且畫出授人時之規於戲
三元順布而王政行四序平分而民功遂考其候正其位奚但方以類分俯而察
仰而觀允合時不失序故茲詔示想宜知悉

賜百官玉井冰詔

帝若曰值此炎夏燒日之節星弁十官置之寒露迎風之壺心貺一片翛然若
陰山雪想見夫何必寒水玉乞為盞聞從古冰室藏哉之規實是聖王燮理之政
孟春治周宮之鑑奚但為祭祀賓客之供需季冬納幽人之凌是以無寒暑
風雨之愆節天功交理凡幾家伐木之人宮是遍而沾皆長纓賜浴者類惟我邦家
尤重凌室之古禮斯有玉井之珍藏見甕知天下之寒每輪順四序之道登盛作
御厨之供厥有賜百工之規矧當花磚苦熱之辰實無梅雨霑暘之策寧君軀
滌其煩熱非無金盃凍之需當首夏氣轉鬱蒸奈此赤脚踏之想端陽佳節
已頒雪羅之篚黃火雲炎天應思冰漿之碗碧迺於鈿佩之通列特頒玉壺之清
冰內盛恩頒出自萬壑之汪萃御異數帶來一條之清冰寒門而濯清風奚啻
啖美蔗之品目燒林而耳溪井可作沉朱李之需於戲是有寒於水之功須臾
自天之意朱櫻黃橘既後時之生清瑤瑤盤中倏寒漿之洗熱故茲教示想
宜知悉

大成殿銘並引

伏以道貫一之仰素王之立教德兼三者喻大樂之集成肆致百世崇報
之儀爰有二字表出之舉竊念夫子大而化之聖實類瞽宗成於樂之功
溯三聖而折衷奚但清也性也和也總八音而成章所以翕如皦如繹如神功
參中和之音巷琴壇瑟大德為群賢之極玉振金聲惟其宮為君而角為
民非無各臻其妙曷若極乎天而蟠乎地克底天放厥聲是以作百王師
為萬世主笙簧五典致百代之欽崇金縢一堂有兩楹之明享惟我國家
允軫千載傳聖之策爰初殿畝妥靈之宮周雍象二水之環固知精禋之
有耶魯泮取半壁之義每歎萃扁之無傳館曰成均堂號明倫非之顧名
而思殿奉大聖庶列諸子尤重象德之方惟彼鄒書論四聖之言乃有舜
韶奏九成之喻煖乎宗廟宮牆之美初非黻子之所安鑒然金石龜竹之
鳴自有一變之總會耶謂若是道大展也渾然天成於是扁其殿曰大成建皇

道於不倚不偏其大無外衆樂教之有終有始厥成永觀人皆仰於珠衡旅
楹有覺天假鳴於木鐸橋門環聽茲功鑽仰之忱庸寓揄揚之義臣拜手
獻銘曰

天子道大請喻以樂厥成煌々堯章舜前天憐地載一氣生成惟彼諸子
磬管咽輶曰清曰和名造其極天降卿士帝享其德猗歟玄聖集衆成義
雅頌得耶洋洋々盈耳沛騰競趨乃貫中操竹濫絲哀一變至道欲象德音
大哉成章銘言在茲殿楣斯煌

敦化門銘並引

伏以虞帝懋敦德之治賓于四穆二周王布化民之教乃立應將乙斯乃
貽翼燕之謨所以懸象魏之額念聖王仁厚立國貴德化敦大成裕不出
戶而教成天秩有五敦之美洞開門而昭示聖心為萬化之原聰明睿智
之稟有臨九重闔闔蕩平正直之會其極八荒庭衢恭惟我朝猗歟堂構

之繼承坦然門路之正大上棟下宇之取大壯殿揭崇政仁政之扁千門

萬戶之開建章楯有光化之號肆於昌德正殿爰立有侑準門非壯麗

無以示威奚但殷重屋義規懸法衆必使布治實取曾兩觀遺制左丹鳳

右金虎非無肇錫嘉之謨北玄武東蒼龍莫驗蕩難名之治惟是敦倫化

之義尤合臨門求治之方一言以蔽曰敦頤名而思萬方無為而化取義

者存於焉三字之額特題煥然萬民之瞻伊具一家四海央宮之聖念斯

勤九室八牕明堂之王政昭布速於置郵而傳也宣揚仁風孰不由門而

出乎敦尚教化臣拜手稽首獻銘曰

周書有訓敦信明義自家及國化行俗美煌煌寶額蓋取於斯叙五以敦

動四之化入此門者視此二字宋帝開重虞舜闢四一心建極萬方從影

德洽天地化生聖澤浹洽至治彤蜺臣拜作銘獻于彤庭

壯元峯

銘並引

伏以士無滄海之遺珠袞為舉首峯似崑山之片玉號曰壯元人傑地靈
山高天作蓋聞周王闡作人之化嶽降申侯唐家設貢士之科崗連魁眾
惟扶輿磅礴之氣鍾於人而為英故黼黻謨猷之才得其地而始顯恭惟
我后撫青邱卜八百之業膺黃河啓十一之期鷄林鵬江承三韓統緒鷹
峯駱崗闢萬年文明之基惟茲丹蘄之深巖巋然玉峯之特秀春塘以東青
陽以北地連棧樸之林奎閣在後石渠在前天開圖書之府登茲邱而設昕
庭之試環是峯而擢魁元之姿黃甲圻天上之號誰是鄭學士忠孝紅雲
葵日下之見莫非韓稚圭文章致騰蛟擣驪之才名山之積玉增彩符盤
龍踞虎之勢吾榜之得人最多從知二字之嘉名特表羣芳之所在壯觀蒐
獐鳳之士嶽峙山停元氣養鳶魚之天雨降雲出龍門點額固知人才之起
羣鷹塔題名戒頌地氣之種異臣拜手稽首獻銘曰

天闢漢陽皇居克壯地護深嚴山勢亦壯王國生此於斯為壯菁莪樂育本

元之人才鍾靈至哉坤元禁苑特秀名曰壯元王在之園歸然一峰望如
龍門來自鷹峯臣拜獻銘視此奇峰

人日銘並引

伏以羲宮生百莖之草立極繼天堯廷抽七葉之蓂以人名曰日與時合
序得氣最靈蓋聞號物之數萬而人處一千支之次十而寅居三自西
儀肇判之辰首出庶物逮九州分長之日參為三才稟塊化純和之精所
以立形於地具陰陽健順之性所以受中而生惟彼春為四時之元厥有
日配萬之義推五行而木德最旺當在甲在乙之期排十旬而物衆可觀
有曰羊曰狗之制肆以我后體物之念尤重厥初生民之規震德滋而載
陽繫春之孟攝提貞予以降其維何是時也幸適丁乎厥義則其猶寅
矣一之日二之日三之日四之日竊幸令節之初回名在茲念在茲釋在
茲允在茲斯見吾人之乃毓三陽啓回泰之運政叶天時七日符來復之

期是謂人統肆聖人履端而出治頤庶品興新而發生唐人咏金勝之詩以答佳節宋殿罷銀幡之賜庸飾太平臣拜手稽首獻銘曰

君子體仁足以長人青陽按節代天惟人以物繫日七之謂人畜六穀八最靈者人法天順時推物及人萬品生之統之以人滿十除三協時授人足叅二機頭出聖人名茲佳節粵自昔人顧名思義惠天下人

食堂銘並引

伏以論秀俊造進然後宮邸由闕也因飲食聚會以為禮於我堂而允矣髦士攸宜燦然棟宇重煖窈窕黌堂育英之日必有獲人侑飯之儀泰四簋之禮賢既紆貺心之眷周貳膳之養老尚傳序齒之文夏誦春絃奚但莊修之有耶暮盥朝薤自著饋饗之成規恭惟我朝尤重三雍養士之謨爰初一堂會食之禮報候擊大昕之鼓翼乎東西齋平分就座整皮弁之衣秩然上下庠相向倚我貳極代聽之際深軫百弊俱舉之方雅尚儒風

監先憲而啓後敦修學校仍舊貫而載新於焉一畝之儒宮改觀諸生之
禮饗有節翼之堂廡之育煨子以授子餐良方濟之衿紳之盛登莫不飽
爾德也揖而後進瞻飛輦而膏欣食每相呼咏呦鹿而托與殆同齊賢授
室之舉允萬世之宮設醴之榮升堂有素餐之嘆挹青衿而增愧設庠取
善養之義戴黃髮而啣恩臣拜手稽首獻銘曰

泮水之側翼然有堂斯堂維何是謂食堂擊鼓招衆揖齋升堂其樂衍之
其義堂之而善相觀實由是堂噲噲有廡有堂我后戾止肯構肯堂
制倣辟雍化推明堂每食必飽吉士在堂臣拜作銘揭之于堂

金橘頌並引

紅近蓬萊足輝映玉燭之光黃知橘柚未醵落金盤之寶貴若聖治解撰
詞臣願茲仙島之珍苞允為后皇之嘉樹清香遠播於屈頌色映三品黃
之金珍產偶同於楊州地隔一泓白之水秋熟千頭堪此大谷之梨香蒲

一口不讓廣都之丞允矣其實有晚宜作厥邑之珍千林之霜氣方濃而有猶自青之嘆萬里之風濤初涉聿致待他黃之美摘來江陵樹頓覺玉食之光輝羅列蒲湘姿恍若金丸之璀璨奚論風生腋之味可愛霜落枝之香重陽已過回憶唐殿頒近臣之舉自天有墮更看周廷比多士之義惟其三寸黃之瓊包實為蓬豆之珍羞耶以一點青之孤嶼庸效篚篚之常貢猗歟我后化洽偃草德行敏蒲日月所照雨露所濡咸囿若草木之化海波不揚風條不動斯致貢菁茅之美願今遠物之自至實由聖德之遐宣稟中黃之正輝斯以為貴比上林之佳實未知孰優千樹之富素補遯矣萬頃蒼海一歲之供是備謁然九重丹墀臣再拜獻頌曰

厥包維揚胡為遠途瓊檣珠實可供天厨商頌基叟丹陽木奴洞庭秋色離千株受命不遷地氣然乎青黃雜糅文音內腴蟠桃瑤池碧藕瓊都皇

王壽考萬邦之孚

夙興夜寐 歲並引

伏以天為萬物之祖恒懋欽崇之誠夜者一日之冬必戒興居之節殆若
虛白生室允宜清明在躬肆由舜鷄鳴而孳々克著如日光萃之德孔燕居
而天々必勤嚮晦宴息之方動而應事靜而存心所貴一念之乾惕朝以聽
政夕以脩令厥有四時之節宣念日用莫要於興寐而斯夕實合於歲警
衛武公之十二章懿戒伊四字表而出之陳南塘之十六旬良歲嗟百代耶當
監者當萬籟閒寂之際寧致昏氣之易乘伊九容齊莊之儀必貴昧爽之不
顯恭惟我后丙夜忘寢未明求衣臨朝講致治之方體周王日至是之德繼
晷懋橫經之業勉漢帝夜分寐之規然惟日新時敏之工宜軫朝諷夕誦之
義方晨興而酬接事物宜勉皦如日之功及宵寢而歸宿心神詐緩養以夜
之道夙夜寐寤奚但吾儒喫緊之要朝夕歲規亦為人君進德之本倘盡
宵旰之省惕庶見日月之就將惟表裏動靜之間久矣恁地上涵泳願畫

夜早暮之際必也主人翁嘯醒仰宣王起問夜之衷非忽晉書之頻接在
成湯坐待朝之義竊冀丙枕之靡遑臣拜手稽首獻歲曰

朝吾有興夕吾有寐乾坤晦明我心開閉無逸居夙宵憧憧宮漏沉庭
燎煌煌養其性情發於政事日之斯心夜之斯氣心與氣會明之我欽仰
瞻丹宸敢獻規箴

於樂辟雍

頌並引

伏以玉章金相昭代敷陶鑄之治璧水璇邱英才有樂育之耶猗歟澤宮
之載燠允矣輿情之胥欣粵自聖代建國學之辰未聞澤中立辟雍之制
虞廷教胄肇初米廩之良規殷序造髦只傳黻冒宗之嘉號惟其藏修游
息之有常處固知學則共之至於膠庠臺沼之無別蓋緣制未遑也恭惟
我后誕敷三物賓興之教尤軫二膠培養之方文風蔚興於鳶飛翔靈臺
作人之所聖化丕聞於絳述立總章行王之堂顧彼圓沼環林之區乃在仁天

育我之汴數畝挹鏡水之勢力樂矣斯邱四圍象壁月之形滙而為澤止水可鑑
實是學海漸晉之方環橋聳聽抑亦士林節觀之道肆於建雍之日爰見以
辟為名射御詩禮之皆於斯于彼雍也臺池鍾鼓之得與共咸曰樂哉東序
西序囿髦士林咸造迴淵圓海環壁宮而貴新左右逢其原多士有涵泳
之樂雨露莫非教聖世致作成之休登斯堂而敷時雍之治瞻彼水而詠
思樂之休青衿咸集戴皮弁而濟克生玉趾親臨瞻羽旄而欣相告
臣拜手稽首獻頌曰

乃沅辟雍湯湯聖后莅止造舟為梁俎豆莘莘紳濟揚熙宣風道德
之海鼓鍾於此八音於論下舞上歌蹈德詠仁藹多士遐不作人于澤
觀射在雍飲酒衮衣繡裳所以黃耆臣拜獻頌明我后

明日召白居易等合宴于舟中登臨汴公顧四座賦之

詩三下甲寅御製

太平勝事文以叙昔日蘭亭錯花籌令公適丁好時節蘭棹棠舟汎洲人

和歲稔開成初蝶舞鶯轉津橋頭簪纓滿船問幾人勝會令辰詩酒遊芳
春三月桃李園李白先我萃篇留臨風乘興任去留官妓細和江上謳
離青草足下踏爛熳紅花水上浮有時登臨又汴公聖代昇平好事橋賓
客盡是東南羨洛水春風木蘭舟春滿乾坤底氣像往々騷客有唱酬
扣友舉觴屬坐如天上泛中流此間不可無吟咏座上留守筆先抽大
塊假我以文章無心錦囊風物收濡來椽筆學士李酌進金尊才子劉酒
令寬度詩令嚴生色奎躔清洛陬宴飲豈獨一日止勝事自此傳千秋天
晴日朗好光景少尹能識良辰不人々爭摘驪龍珠衆中詩篇知孰優熙
皞春臺浴聖化手把香花上層樓歸來把酒綠野堂醉鄉豪情二三儔

朝服濟河

詩次下癸亥增廣
監試初試發解

下拜登受天子胙寵錫珍重彤弓弘建業明堂武功成舞羽虞階文德昭
冠帶衣履今天下十年四教中邦饒生財九府民人足治兵五隣戎馬驍

戰以此衆誰能禦克霄三軍車乘起葵壇一舉風聲樹赫韋向踏汾河遙
衛馬幾繫邪邱桐楚茅已徵星使輶五侯九伯咸歸德先公賜優山河追
貫茅射息懷武王垂衣化登臨帝堯一戰而伯文之教溜波迥接江漢朝
五刃隱光玄玉佩四牡有彭赤憤鑣武亂乾坤文化宣挽河一洗兵塵銷
執牛已看載書告蒙虎不用掘弓彫四海敷文示不服朝天馬鳴風蕭々
三覲出入新命祇萬國會同遐福徼登車有光玉戚舞立馬遙垂金革偉
煌々繡衮與桓圭尚憶先公就國宵九合不以兵車會至今留聽齊東謠

且當置兩子於度外

詩次下同
年會試

鐵劔誰鳴伊吾北苞桑古記包容大在吾目中虜執勁推諸腹裡仁化藹
白水真人四七際柔遠雄度大無外南廡敷心中憤崁東洛耀威兵馬會
干戈用張龍戰野風競厭見中營旌銅馬大槍咸崩騰綠林赤眉多無賴
絳衣歸來鄙水南榻外西酋屈強最天水九泥重閔固巴山井蛙縮邦最

是日擊鈞誰抵掌一鼓掃蕩非無奈兵者危事非得已赫威忍令生民害
優遊二帝多名字明見萬里登織貝華陽息馬建武世大度克符天覆蓋
良將不必揚干戈遠夷佇見襲衣帶通來用兵頭欲白風雨漁陽多狼狽
誕敷文德有苗格不殄厥愍昆夷駘輿圖九幅意內圓帝坐金宮垂衮繪
郭公斷鞬嘉乃言馬君按劍已無秦朕以柔道治天下卷陵佳氣接豐沛

畫家有南宗北宗

詩次上庚寅
應令入格

我悟人性無北南畫師笑拈世尊花一滴清凉曹溪水快洗塵間粉鉛華丹
青妙道各有宗許多歷代傳畫家顧愷一厨方通靈鄭虔三絕漸入嘉良
工畫物心獨苦郭山韋松惣籬笆空門一南更一北悟禪皆知宗釋迦注
心方丈鐵牛駕誦法靈山白鹿車禪家兩宗各自尊法侶趨風傾通遐盡
厨自有三昧法傳法千秋開府衙神馳馬陵悟真詮境入金蓮夢蘭奢茶
笋松杉惣禪味枯腸得酒生芒萁神毫恍入地湧金真境曾聞飯炊沙長

風絕筆起纖手鉗裡之雀井中蛇曹師在北秀師南十地清香坐跌跏圓
相不離鏡象銓活畫初無毫髮差十日一水五日石妙諦千古咸咨嗟招
提界中靈法雨曇陀塌上放天葩摩詰已去法喜在至今盡工美事誇

闢四門明四目達四聰

賦次上甲戌
鵬製入格

一六合而光宅天視聽而自我亮有邦而九德不出戶而萬區重華穆其
闢門廓四字而無垠來俊髦於八域作精神於一身天聰明而作后自賓
四而載采伺顏色於齊七任股肱於欽四茅宮闢以吁咈已賢路之不迷
迨月正之格廟覽四門而多思庭衢隔於八荒巖穴遠於九重天之高而
聽卑奈壅蔽於四方臨薰宮而帝咨疇司明而司聰軒敷治於聰牧義著
象於觀生家九州而一視緯羣龍使汝聰引羣英於闔域圍四聰於門闥
天門蕩而啓鍵導爾至而優入呀千門而旁招會一堂而咸達麾四凶於
在墻詔八元使闢牖人其代於天工廣聽視而無蔽亮有臨於上下故無

阻於外內聆賡歌而四趨咸願立於聖朝公門廓其廣開與帝閣而齊咨
衿衣儼其四庇來吉髦而熙績可書經而溯考憬虞帝之至治無四域之
壅關固衆芳之咸廬要秉公於招賢跡不偏於廊開序茲門之獨闢又達
之而明之肆虞典之特書詢于岳而咨牧敷新化於一初乃格祖於元日
禋無阻於遠近道不迷南北拊璇題而獻賦仰聖德之克協

擬魯群臣賀孔子附魯頌於三百篇

第次上癸酉
格製八格

化洽蒙繹方仰啓十一之休頌登闕宮聿觀編三百之美而後得正于先
有光恭惟我后世傳十王地方百里百年絃誦尚傳彬蔚之風一代儀文
咸沐祖述之化顧以吾邦秉禮之治乃有先公頌德之篇四代之禮樂特
頒廣之天下一邦之歌頌乃作奏於廟中先烈克彰於無邪既有詠駉駉
之什民風可變於至道堪比頌鳶魚之詩迨茲尼父自衛返之辰思闡我
家不陳詩之烈億茲之萬烈追想幾仰承大禧之模龜蒙之遺什或祀必

思被千絃之美仰珠衡作春秋之義固知尊宗國之衷同書經編費並多
心詎無正雅頌之制果於編詩之日聿見附頌之規勸懲斯存既致十五
國察俗歌頌得所乃見三四篇著經蓋其先烈之克承恒軫盡在魯之美
故茲遺篇之爰輯斯致吾從周之休是所謂詩可觀也孰不曰文足徵乎
追周南採詩之制獨滿祀元聖之邦同宋廟登頌之規蓋出闡先休之意
嗶之磬拜是奏克追揚休烈之方樓之木鐸始敢實奉編是頌之舉

伏念
臣等

擬周羣臣賀日就月將學有緝熙于光明

表次下丁丑
庭試發解

洪基誕承於艱大方仰休恤之期聖工克進於高明聿覩緝熙之美叶恒
升德懋晉益工欽惟我后鳳曆寅承鴻休申闡光天下而無外幾思積躬
之誠至日中而不遑每軫勤業之策念聖學方懋於時敏而睿工自底於
日新肆文考若夕惕之工恒勉斯月征之業亦殷宗顯昧爽之德克致躋

日敬之謨惟一念慥之衷苟盡功磋磨琢之要故極工進之美可期
澄澈光明之休迨茲我后祈永命之辰恒軫平日進厥修之策冲齡拊天
位之艱尺衣方長聖德有日章之工寸陰是競同山仞積累之道政仰新
又新之衷若金王追琢之章仰見明其明之美果然典學之終始聿致造
道之精微勉而前既致晉修之及早明在上斯見萬照之並明仰風
夜之宥密方勉德暨之功與日月而齊光誕著明燦之地是所謂月
計有餘孰不曰日維未足朝夕勉寸進之益既軫純不已之誠歲月無一
息之停斯底顯其光之盛蓋無時或怠之念恒軫德之純之方故與日偕
進之工遂至燦然明之域伏念臣等

猶子濟慶納幣書

相攸莫如韓樂既結歸妹之親娶妻必取齊姜又卜納婦之吉肅申孔李
之世好仍成宋陳之美風恭惟函丈曰門風著閨閣令譽瑤環瑜珥知為

先生家佳兒麻景組紉無煩姆師氏懿訓顧猶子名曰濟慶為人父願有
室家學雖面牆年已踰於衆舞才非腹坦絲猶叶於鳳珪厚誼幸托於許
心嘉命遽荷於貺室承宗事往迎爾相奚但一家之肥釐女士從以子孫
庶幾百祿是總茲將匹帛之典敬致旭日之儀

納幣書代作

君子造端于夫婦道莫先於正倫父母願為之室家禮茲備於合卺是謂
同人親也庶幾自天佑之恭惟文貞文簡之門乃有令德令儀之女明珠
實產於滄海孰云醴泉無源灼華載詠於周南咸補大家有教願一伯胤
名曰。考其年幸已長成古家規範每思桓少君之挽鹿平日才譽實
漸李元禮之乘龍偶叶相收之盛心敬承迨吉之嘉命奕世之厚誼方講
詎無餘慶之是承盈門之喜氣孔多實幸宗事之有托

戲詠六甲

隣里好朋至談迄書在可室陋演河洛杯傳鬪奕棋覺後塵噓氣豐祀龍

騰光書棟許眠砌夜薪賒照床鳴鶴洩春侯傾葵尊日輝琴押成連韻壺

乾核散微蔚炳存豹霧伶仃棲鷗枝百戰曠過項五紀質相移吉惠晨充

戶情親宛對壺几僊銜濠想物睽味義圖江鴨連波洛社乳酬節來久病

機心靜太寧骸肢隕清樾孕殘馥黃卷淨餘芳進賡舊緣會取適留連塲

三庭娠丹鼎百揆範一身羊腴迂迂暑龜臥昧前因觀畫神通靈登舉酒

八脣頤箴譏笑雜貴抱孩提真疎慵字句錯乖僻筆法奇莊、蟬紫紙駸

、騶脫羈塵匣振龍鈕飢臥客禪龕夏遙曉箭鶴頂餘丹痕城樓隱暮

靄飽樽餞春聽鷓感情友衣薜駭俗人願從尼聖學詎數齊鄧君縱遇睞

良象徒抗斲堊斤談栖羶玉塵詩灯配墨帷對越年芳晏遲回寐晝耳杜

康暢其性摯掌醫斯民一任襪材倦歌闕刻藤輪

書

與成近思齋近點書

潦盡潭清秋懷更廓然也際此兄政侯萬衛昔司馬牛有憂而子夏之答
猶未廣其意今以何辭仰對耶且聞請由上洛又以兒憂未果之渺然一
身可憂者內外攻之孰謂太守之樂耶然物各付物任之之外無他策耳
功服第荒年生理固不足言月前又遭尚右之慟孤露餘生晚境疚懷當
如何且弟作法田姜丈尚未遂職荆之願且有家狀奉議事兄既蹲坐則
必得順歸馬趁來月望後上送也弟當翼如於山見丹山於人見法隱又
與兄相遇於周王湯下作數日款坐非浮生一快遊耶有馬無資亦行不
得之政俯諒如何聞聖叔老兄既得子官又不能安享溪山之樂非久撤
歸京第云可惜可咄癸巳

衰境暫離非但傳雲之思乖侯生病益切致愆之慮因山只隔惠連復
命兄想作洛行未即拜展良鬱良鬱第近候連安無他惱神者否弟伏姑

依多少盍在呈山雲書中為兄同覽茲不緘而呈覽即糊傳而其中一篇
鄙作經眼片正以送之也第此乃詠志者與我同志者庶幾領會如果無
疵瑕之字句兄以半草寫一本以惠也欲與向來集杜十絕申社樵筆同
為作帖以為篋笥中時奉玩之資耳昔聽松先生書敝去來辭一本至
今藏在吾宗家矣作者寫者俱不及古人何辭之有茲以奉托四目

昨承惠復不賜片教還庸咄、夜來體事康衛每仰兄憂煩能簡居動若
靜不有學力之素養心思之有宰何能及此此願學而不能者也幸蒙不
遺時賜鞭策也鼎鉉桑榆晚景已迫六旬矣餘生之把翫者未知幾年而
未死之前竊有區、情願去年廣陵之行奉托社樵文事兄或聞之而不
幸樵丈有諾而未及成送向又言及山雲照近必悲撓又無抽身往議之
路靜夜思之耿、如結實有朋發不寐之歎此非難構之文字茲以奉呈
兄必搢送至仰、第祖考隱德卓行每切表揚之忱居今湮湮一世以學

問為餓死以節義為浮文心切痛之以此之故年少兒曹目染耳濡無非
俗孺之談至若家庭懿範亦復不傳而自歸湮沒寧不寬恨耶久遠之事
後生之論未必別起軋數衍說去頭數行即之公議久而愈鬱懿行不宜
湮沒李慈山東麓少公二十歲觀德最詳其狀德之文畧之之、申中丞
綽作墓表引用數行李太史晚秀撫碣文節用中合語數三行如德全天
賦行益人倫等數、語輕、採謗而數三行結末知如何作引用三丈之
文則中以俟而不惑而其潤色則在兄矣切款面議而坐直末果茲以替
書下諒即圖之千萬泣祝元月申

逢別太忽、還覺黯黯郎侯嘆風政侯萬衛近做甚事消遣長日耶向來
詩帖殆如薊門烟樹裊娜在目終不忘且為托名忘以燕語尾題一律能
免續貂之譏耶中教如何服第近日鎖直槐柳滿庭芳陰中愛池堦敞豁
蒼翠中掬但無會心佳用在座耳兒婚近空冠禮當先束手無措備之道

良吏者。如兄太守者。何物優助耶。呼。月四

別來已經旬。詩會亦幾番。遙想自我出。疾必瘳。疾比來寒弛稍暄。元體
萬衛必依。鄙言看經書。以庸學為主。不然周易似好。吾輩晚年窮計無過
於此。弟亦携來。抵中一部。姑無暇矣。弟單車來。莅堂扁松竹軒。名坐哺四
圍。低峰一帶長川。又元帥降作文筆。降在案。邑基則極爽塏。正可人外面
潛看。似閑官。宜老者便養。細究裡面。則有許多難醫之端。目下有上納一
節。末稍有還通一款。現此休紙。澆草者。際知之矣。文學政事。沒舉并行。可
以不悖一初之政。淬礪精神。繼前官拙解弛之餘。稍加嚴明之政。日事鞭
撻。為其督納。前年納故也。又下帖板院儒法。飭令邑子勿為來見。又出旬
題課試之詩。成軸陸續未呈。頻彬。可覩良可慰也。平生所以讀書多少。
經濟惜乎。試之割鵠也。好笑。好笑。參鐸紅露。十挺脩付上酒。與萍齋及詩
社諸友。一番會飲。賦懷剛齋詩。並與前軸而送之。如何。戊戌

日前清收過此半晌屍、盡在那邊想耳瘡矣別後初得惠覆又讀諸賢
懷予之什繼續珍重之意溢於言外一唱三歎有餘味矣矧審靜養體事
萬衛課兒自課儘有佳趣又與意中諸友恣意打乖此乃樂事何必羨為
斗米折腰之役、者耶兄於此終未忘情又不肯專意向上工夫終未免
半青半黑汲着落人良可咄、弟來此四十餘日果勵精圖治杖不踰十
門無滯訟過當之納了却三分之二而牙山稅納已了於念前而至於冬
還與軍政似末如之何不如早圖散去來綽綽自在之為本分而許多
家率業已率來索有尾大不掉之歎矣是以正月新莅佈居之日略有廩
餘故鳩得二百金封鎖於知印櫃中標曰去官日盤纏自在動不動設何
料外良目似免為燕民笑然費神勞力已生厭症如得安身之所當脫然
歸去計耳灰紙所教節、銘佩索為感幸魚字詩一首乃是伴蘭之物耳
聞兄既復業欲修書兄札先到投審仰慰便后日富兄仕體萬衛統送萍

齋政可踴涼之際得此好爵奔走於事役陪班五色叢中还可疏鬱而間
有坦培辛酸之歎如易易地則典得五六郡則必不為此兄之學力此不
及弟處好笑好笑但高明廣濶之軒絲竹鐘磬之聲音亦可怡養心神凜
仰兄非但官數之食少官多又能享清福仰賀仲及想必並且做得好詩
以示不忘洛元之怠如何弟當此亢旱日事主壁尚未得而不勝焦悵日
前陪香之行翻身落馬經一死境而非但神靈之扶護奉賴儒門之力以
不動心也故得免病身之多多少少載在夾紙八直聽樂之餘從容諦視以替
一席談話如何

夾紙

前讀周易近看中庸人之需用不過時字中字而已中者無過不及之
謂也時者當其時之謂也如仕遲久速饑飽寒煖各適其宜剛柔寬猛
喜怒哀樂各得其中然後乃為大易之時用亦是聖人之達道如無格

致之明存養之素則耶以權重輕度長短者未必皆合其宜能執其中
此聖學耶以貴敬字工夫而先事字讀書明理也如某之愚迷但無根
基故難以言治世事矣其所以養者近字妄點檢平生過失在乎無心
做事其較計商量細察周詳實不足其所以看書者察理未精過眼輒
忘其所以做事者見事未明難免姑息鮮有持久耐煩之工此一病痛
兄乃先覺者何不隨事警惕有左右鞭策之效耶深可慨然自顧不才
當此百里分憂之任敢不惕念盡心而朱子曰不能則謹守常法此吾
一副常規模而素知吾輩治法不過約已便民而已此則有受於庭訓
者而自奉甚薄撙節財用一日行一日之事一月行一月之事不敢以
居官自處無負官債為主以便去就素所蓄積而恐有尾大不掉之慮
奈何奈何為政五月其政法大畧當為兄誦之須諦聽而詳教也卑衙
晏退律已清心門無滯訟客無干政至於官廳會計一任由吏無耶減

削需米月俸外一無顧念者吏雖頑濫而有罪後則施杖民可愛恤而
當上納則施笞至於簿牒訟判不至煩劇而剖析論斷也非難事其心
也廓蕩之無所偏倚故其發也雖不中不遠矣或曰寬仁太多猛剛不
足然此非可行之論也凡臨事論罪自有稱量當罪而罪當恕而恕其
毫忽剖決之間不容髮若有意於猛有意於寬則非時中之道也况
試思之冬裘之時而易不為葛之易乎之角則妄也非正也文翁之化
俗孔明之治蜀自有便宜豈可強要威猛之名而不當刑而刑之乎杖
以立威酷能辦事然此一功俗吏事竊不願也前官時舊結之未捧者
十有餘金過堂上納亦十餘事次第了殺數吏所通亦近千金此等最
醜黷難割要當徐圖之而今年上納則四月當幾盡了勘至於都結
結剩則割却一面一十百餘金防三百餘名白骨冤徵之敝至於年
還歲若免歉何患勘羅此外無他事耳其間或有吏奸之輩不覺察難

保其必無而自顧身心小無愧惡為政如此亦或未易但孤根弱植於
上未得孚信故人皆危之危之亦不是異事若信而獎之則古之循良
今世廉吏未為不可若傾而壓之何患無辭其得失安危小無動心只
可歎者世無知我所可悶者牆壁無依也近日廢却詞律亦不能潛心
於易學或時意到看得中庸一二文或謄大文數三行或鼓或罷殆不
成頭緒不無湊泊心地藝用事端之效兄亦試之如何柴司風軒可以
怡廣心神其樂陶、恨不置身於其間一月千金足可為散說之資好
呵好呵

歲暮懷思倍切、憶、裁書時未獲奉去月十六日書得聞好消息不覺欣
得仍審道體萬祉何等慰悅第吾有友三人二登臺閣一登薦剡寧不云
吾黨之於斯為盛也歟松茂栢悅者此之謂也然大名之下其累難副自
古肯然果何以 啓次 聖心矜式一世以繼先民遺芬耶自此以往兄

不宜妄自菲薄俾先衆楚之咻如何必溫絳經傳熟看朱書及先賢遺集
如栗谷金書等冊尤宜貫通以爲家計寧待負愚想已有胸中之措置矣
必與雲老共勉之至仰至仰目下爲兄計不可無鄉序必在楊江驪湖之
上圖一好家基共雲老同敗携手則吾亦當張後晚年扶携奄成三老風
流豈非美事耶亟函惠示也月臘

歲前付書果或閑聽而池谷去書亦傳之否一侄有去而無來覆局勝紆
苑仄聞 經筵官被選 史官傳宣閭里動輝而但不安城墮屏居楸舍

云信然否即惟新元道體萬重每進藥石輒退托不即下手處以閑散今
日事到手頭意思果如何不可不自重非前日蔭官比也今則束縛之鞭
策之迫入網鳥在籠所可賀者讀書講道以繼先烈以裕後進勉旃勉旃
前書略已貢愚或蒙印可否 號銘并旦桑榆已是衰朽真個是糞牆腐木
也保日之把玩者未知幾日如得附驥同居以娛晚境此爲第一家計向

書躬江上營屋之策果其三查議處即速指示之如何吾亦從此逝矣區
、一歧陽乃是外物亦霎時光景何足道哉自兄被逐後人必以伐死為
慰解者此吾平生所痛斥者而伯夷伐死人到今稱之齊景公之駟馬不
必馳羨也為聞高論使兒子委進奉候細、賜教如何以之次邑方議教
急誠有餘而財不足然益吾心而已千百群備衣吾不畏之耳已亥正月
義河七日

與李山雲亮淵書

東郭一宵話殆如夢覺酒醒而追惟醉眠之時不覺耿、靡日不往來于
中居然寒總經優起居循序萬衛仰溯仰溯少弟即一癡鼓岡兩漢耳重以衰
病侵尋宛轉床第末由一進矣不聞益論塵土滿襟既無畏友鞭策又緣
病懶束閣書冊惟有憧、往來之流注想或淵或天一瞬間千緒萬端專
在於天津橋上看弄胡孫豈不為大耳三歲耶笑耶適逢成友獲承瓊章
見方外二字實是好題目耳敢步其韻忘拙構呈如蒙不棄或賜斤教耶

辭極拙陋不足塵高眼然詩者不過言其志而雖有字句間疵病庸何傷

也其言外之旨都在默會耳

甲申九月

信宿蕭寺只患無素蘊亦不可謂不傾倒矣別後悵惘倍於未逢時人之

情固不知足而然耶昨果旋旆能免露濕否每想顏子之樂平淡曾點之

樂勞攘勞攘之中能有霎時間勛華襟抱而忘跋涉之勞無塵事之攘則

奉莫大焉耶以仰慮者坊有此期望之至耳少弟歸卧草門偃仰自在迨

惟日前追隨便覺念撓殆如白帝之猿聲未了輕舟已過江陵其間萬重

雲物烏能領略也偶拈杜韻信筆構呈覽可覆瓿而如蒙不鄙可賜和語

否每有一番會話輒有一番記錄非有詩癖而然也浮生世界過去前塵

便有雲空水逝若留得數行文字可謂巾箱中他日開眼之資所以不避

煩屑有茲覲縷或可恕諒否

乙酉七月

白雲度溪高風灕然每對俞鵬園語到姪子非徒馳湘緇之以慮仰忽奉

手札披慰十分不啻百朋之惠也信後傳聞竟至遭憾竊想慈愛隆深悲
慟沉重無辭寬抑第貧家長痾若是稠疊又當歲歉最劇之年何以拮据
弥縫耶天之苦心志勞筋骨將欲玉成伊人而然耶將降大任而然耶古
人工夫必在於人不堪愛之日勉旃勉旃少弟即天地間一蠹耳生既無
益沒又何恨才不足為忠言不足飾非為善不力為學又不誠代翁代張
聊以寤年而已百爾思之畢竟餓死乃其分耳秋無擔石而不為憂寒無
衣褐而不為動真所謂無腸公子不覺自笑然心乃安、無戚、者耳擬
與近思齋更議聯袂作奉恩之行未知約在何間也十月
向達次胤謹承安候比來霜冷經體萬衛潔身脩行五十年始得一將作
郎固不足為賀竊有私喜者有二焉 朝家設官所以命德授職所以擇
人此為朝廷喜也學優登仕可為後進初此二喜足為一賀之資耶然白
首殘年為五斗折腰亦不為老兄願之未知何以為之耶稍候 春邸廷

賢進講之日得與扶冊之造則豈不為士子之榮或有所一半分裨補亦
可酬平生志願又未知老兄以為如何小弟向與永倅作石泉行半日聯
唐可慰寥慄之懷矣自數日前病病倅發、疹如律可惜萬應丸三十個
無靈恰受傍人之誚而心歌更試非但見無柔債亦為妻孥之沮笑奈何

庚寅
九月

自聞維摩之病每切馳慮書來報勿藥之喜穩過甲日恨未叅末座偶看
古書謾筆得一絕呈呈可供一粲否其詩曰九月望魚九日回生朝誰復
送喪材愧君未有龍川友樵社新詞亦晚來仍示胤友如何板橋詩軒看
來如奉拱壁不忍釋手詩句之浪費精神者多乎哉不多也詞貴達意詩
取永言而已老兄之什潤色前語渾然天成且有三子繼而鳴之坡翁之
過與邁未必過之尤可欽歎松竹老丈之作清雅喫緊不敢妄議原泉詩
渾、自然成章至如雪竇如絲忽花極清警如寬之詩志氣日蕭條好事

亦勉強之句政道得吾輩今日事儘是佳句但悲次老却人之老字似有
嫌於恒言不稱老之義改之如何此潔白玉之點瑕亦賢者責論之意恕
諒如何如或意到且逢同志之可與同行者則不期當進必準備以待之
意不杌也今年何日非寬之志喜之日耶辛卯

歲前霎奉廣判先回池谷起居狀獲聞愛患天差或復常度於是乎釋康
方擬書候心常憧々先施情贈忽墮於山齋岑寂之中其為欣慰奚異於
七星閣裡游詒耶矧審新元經體茂膺多祉少弟幸藉先蔭獲沾微祿康
有門戶維持之望感頌天恩益報無地然殆如老娘嫁人可恥不足賀
差可喜者得此清閑一區居然為泉石主人煖屋晴窗看書自在豈非天
餉晚年之一分清福耶見今臘雪尚留春寒猶峭姑俟後日春次節近冷
節萬化方暢陰崖寒谷無不發春老兄飄然一節邂逅於山陽水色之裡
復續前緣寧非天公會事耶當準備杯酒盃飯掃榻而待耳前會二人業

已泉殆不無其感而如伴聖思則尤好箇之如何

甲午正月

向仍便忙草、付后未及閱稿退而詳考并教甚多察所感春比日峭寒
道體康旺惟愛近果復常否仰慮第邸報華卿竊想所遭即當亦一展古
之數去就來往未得常聞恨未奮飛一會矣今逢成反際聞信是足以替
晤當此舉國悲遑之日粗效追走之禮少伸褥蟻之忱良可少慰耶老兄
平生自期以青山白雲人出入惟意放浪不羈者一朝誤落塵網曳裾於
卿相之間是亦冥報之必然而巧匠傍觀縮手袖間能無汗顏之歎否今
則事成了當矣茲以歸去來辭一篇次呈何處是三山福地那邊是一區
桃源隨分占得可做自家界携手同歸分作兩家眷世、源、仍成朱陳
之誼未知如何言不盡意都在默會也

梅雨初晴夢源乍動經軀萬衛每對庭前薔薇萬朵密、政爾懷人不禁
傳雲之情聞胤友虛狂失奉甚悵然相對未必有言但久自多廢積此人

之常情耶。即聞龍仁為一眷寄寓之所云。似出目下救活之策。然池谷山
雲之宅姑不可遽捨者。必十分默運度了。數年如何。自有天翁佑贊之理。
耳非祇管鮑之契方議。朱陳之好情。無所聞焉。及之度可下諒。少弟衰相
日至。宦情寢薄。為五斗耶。靡然此身。有不得自由去。月數日出郭。人或非
之。自沈來。往安難如意。老兄何當西笑耶。冥鴻高舉。白駒維繫也。四月
省禮言聞累月。焦遑之餘。竟至不敘述者已矣。生者其可堪。字藥既殫。力
矣。殯殮等節。何能為字。崇已曾經者。言之臆塞。思之魂斷。然耶可理。遣者
原出反終理之常也。吾儕之悲。日亦幾日。而不悲者。亦不遠矣。長庚陪月
天將曙矣。其噉噉吡吡者。亦可笑也。然喪威震剝。道體能無有損。竊仰元
養有素。豈效西河之喪明耶。似不待拙辭寬譬也。少弟意外。內移。非不幸
矣。馳來山裡。大自在之漢。奔走筋力。宗非可堪。方在直耳。乙未臘月
日前惠翰。不但三冊之完。又荷十絕之示。迄今披誦。如得拱璧。句、逼神。

言、造妙儘乎文章窮而益工也伏惟晚炎道體增旺而胤哀亦平善否
大弟意外陞資稟荷天恩頻教直次少敢言勞但無傳餐供職之執此稟
惘然向於既望乘小暇偕成友睭偃聯轡往狎鷗亭、無主或荒廢但風
景依旧半日逍遙共小舟涵洄上下夜泊報恩寺擬共老兄同會止宿為
一宵話矣及暮泊蘆島黑雲韜月踈雨滿江不得前進悵然馳神而已歸
賦杜韻茲以尾呈可領此時黯然之悵緒耳今晚無寐又得一律其詩曰
蒼涼對曉月天上且秋期喔、鷄鳴後寒、漏羅時漸生虛室白坐待明
星達點驗迹平語靈台澄若菰此果得未發時氣象否向又有惟有火光
消不着澄然一片玉塵冰之句惟此清淨一念徧不為飢火所燒耳丙申七月
洛便承書共為欣慰無異他鄉逢故人時、展讀紙教生毛也寒益煖四
道體神相萬安聞 駐朝禮羅至及於岩高主賓云老兄與思友或在景
征之列否能免顰縮頭鵲伸頸之謂耶前書有看山之約何至今寒、耶

小弟偶然莅茲是亦天餉吾甲年一飽固當順受而視千乘如浮雲則視
一麾當如何耶南來苦無嘯咏之趣時時讀中庸大文頗覺意味深長恨
未與高明對討耳年迫桑榆如不得聞道一朝瞋然殆虛度此生良可瞿
、顧此一燕歧之暫時偷食殆郵亭之一過去景何足重輕也哉三賊
陸務觀詩曰外物已忘如弊屣此身無伴等羈鴻天寒寂寞籬門晚又見
浮生一歲寤肯悔翁以此詩比之於柳子厚南涧之作誦東坡之評而深
悲之寥、千載益覺斯言之有味也月前仲胤袖傳崇牘迫曠促歸未即
仰復迄今悵懷交摯而有時披讀如奉談笑且俞丈之誅悲悽之音溢於
辭表千緒萬端止於三言簡而有法矣小弟以病為歲課古人所謂僻居
人事少多病道心生者殆近之興國一會有意亦莫遂居然歲色垂盈惟
冀經體珍齋餞近增吉臘月

向於楊根侔付書時兼修餞敬之禮仍呈詩軸矣果閑聽否元朝以熊津

享官到營得接政眼老兄一斲而作湖西宰上官且外始清卿也亦入經
筵未不勝栢悅伏惟新新元道體萬衛果能致廣大而極高明以副此士
林之所顙望耶從今以往尤異前日必以繼往啓來為己任上以啓沃下
以訓迪時賜德音以牖迷蒙如何毋論學問其生涯先立好基址然後可
以隨架梁補以去必與近思齋相議必為躬江楊湖之上開絳帳之所如
何此亦從逝以遂啟去來之願耳少弟襄相日侵餘景未知我何而苦海
困頓受人目旦評良可歎也近看中庸頗有新味從當奉實矣已亥正月易
簣前七日

上姜法隱必孝書

累年嶠南密迹聲華雖無瞻闕之日恒切掃門之願竊伏念先大人松春
堂夙有雅分每仰執事文高風極如讚誦言猶琅玕在耳藏諸中心曷日
忘之獲奉玉几伏聞大庭氣候康旺侍餘道體神衛萬重伏庸慰浣世下
生索居寡阻四十年所以頭出頭沒者不過功令文字而已既往莫追方

來可卜然不有前覺聞鄙吝哉作人間小丈夫昔哲有訓寧不愛懼一欲
負笈門下為親炙之計前既以蒙駭而未果今又為冗故所縛迄未遂誠
茲以小夫笨牘先此展敬若以追述世好之盛念特垂矜憐時賜鑄諭以
備答問之列其為榮幸當如何不任屏營之至成朕

伏蒙不鄙手書賜答鑄諭勤摯感戴無已便后有日侍係經牘萬社世下
生疾病相仍又遭長咸之憾悲撓度了伏悶昔在龍銜讀論語至棖也慙
焉得剛之章忽有惕然于心者欲揭壁存警則先人印可之手寫剞劂二
字以賜之余小子受言藏之于今二十有二載矣星霜屢變伎倆依舊每
中夜照檢自不覺愧汗之沾背敢以請益之意冒瀆崇聽或以數行文叙
其事繼以五六句銘語以送則謹當付之座右一以寓終身孺慕之懷一
以為常目服膺之資共為受賜當如何耶每擬時月修候苦無憑便之道
聞成及欲因邸褫付書茲畧修書儀叩叩

歲弊虐虐慕仰求切承書審慰經凡體度神衛萬安世下生寤居寡陋已
為四十無聞之士伎倆未精心術先壞以此腐糞殆難雕琢而吾曹之病
皆在淺急於道理上纔有一說似打得過便草草打過故為說不難道理
日淺其左提右挈之助不融無望於高明耳先人狀草所以仰請者欲得
執事文一言庶芥函潛之光輝以為日後徵信之資必也十分審煥無一
可議然後可以傳後寧簡無煩寧直無溢程子以為益得真像如有一毛
一髮之差便是別人文字亦然可不敬且慎乎古語又云言不文則傳不
久幸望更加三思修潤得一統文字以送之千萬至仰此有權中平本耳
以其觀德最詳、備則極矣但其文體脆弱終未及潤色而其人已逝茲
敢有請於執事不必踴襲狀本帶得一篇命意略抹倣歷事蹟必以謹嚴
為主上下數百行無一行字無一行語使後覽者一見而知其人則好矣
此小子之至願荷此銘語不憚覲縷索感誨不倦之念第辭旨有典則句

作亦圓滿殆無異耳提而面命謹當揭座為常目之資而傳久把玩貴乎
無疵敢恃無隱之義茲有一二處別錄仰質恕僭下諒焉臘卯

伏惟新元氣體循序萬祉竊想衰年草土之餘精力凡節必有落下誠孝
之至神明收祐不至大段有損否伯哥一命學優仕至幸見古道於今之
世矣亦足為晚境貽悅不仕慶賀世下替服人昨春連遭第三子若婦之
憾喪震剝精神尚若存若亡殆如木偶人自顧涼德不能保此一美事悲
歎奈何古人有三願識盡世間好人讀盡世間好書看盡世間好山水平
日自期不讓古人今則年紀已過中身矣殆非記事底時節貧共病兼老
不健博三春杜門自分為癡試問兩漢至於執事尚未拜顏豈不為一恨
耶歲初貽書永陽倅要借代步之具看潯丹山又拜執事計矣姑無答語
之來事不如意者十尚八九耳癸巳

客夏下撥至今慰荷伏惟新元

經體茂膺多祉世下生二載山齋優閑自

在之餘陞移內司揆以陰道非不幸矣拘牽奔走非其性也伏聞徹宵連
誦之工去而彌篤云尤切欽仰而以若根鈍下品之才願學不能也蓋其
懶散成痼作徹無常設或欲讀每有口到心不到之歎憧憧朋徒之妄念
浮想終未能除去未知何以為好耶方在做度直中宵燭晝晡政好讀書
因此未果此亦霎時光景耳若公挽則並此念無之可悶

丙申元月

省札言之意伯胤南觀之駕有往而不見還缺畧難圓幻夢猶愕伏惟慈
爰隆重局慰如燬之思卜子夏之喪明見談於前程太中之理遣棄美於
後以執事之達觀宜有以取捨之坐待拙辭之寬解也不審肇夏眼中體
度更若何爰出倉猝心所震剥裏境弱腸尤難為懷既是輪氣得無他爰
伏憲無任世下生姑依宿狀而亡弟祥期只隔數日搖、如懸旌際聞此
報令人短氣每誦老杜斯人不復見將老失知音之句不覺臨風於悵耳

丙申
四月

去年陽月下書仍值公撓尚令稽謝局勝悵陳居壯獻發伏惟眼中體事
神衛晚境逢新尚多感旧之悵况當隔歲人事轉瞬陳迹者予杜子美詩
云昔年元朝會鄉黨美吾庐此真逼真語不勝悲念世下生循序歲遷莫
非天爵六朔禁直終免拘鎖五日京兆又添奔忙殆無展卷閑吟之暇旧
學鹵莽蓬心轉塞病又復侵尋綴得燕境不知其為佳良可歎也丁酉元月
昨夏承履厥后阻信居然歲換不審新元道體康衛想坊感旧之悵比來
課誦果不間斷本原涵養之工益臻廣大高明之域耶儒賢彙征成月江
思李山雲皆深々登垣省至若隍思業已被選於經造屏居楸舍云榮幸
之中事勢窘束未知何以為之也邇造消息一未聞知道剡造揀想不見
漏遼外伏查世下生白首吏役又當賑政撓惱多端為斗米所束縛受人
疵評寧不困頓之甚者耶都不知桑紱自在如無陷刃之勇何能辦薛爵
之仁也時々誦思傳大文不覺拊躬自悼也已亥元月易簪前七日

與金寤軒啓溫書

頃蒙辱訪迨切慰荷伏惟日來道體萬祉溫絳曰學益有新得之味否弟
杜門尸居隨意佔俸非不境靜根鈍莫開不免有烟雨塞九竅之歎是以
所讀雖至四五卷殆如千花之遠見聊無一蕩之可寧靜而思之只緣遊
騎太遠荒屋無主對書而有郢書燕說之謂靜坐而為山禪師所謂流注
想者終未得斷了固何望慎思明辨之工耶如高明聰睿過人竊庶幾嗜
慾淺而天機深者其於本原操存之方想必有人所不知而自得幸以身
親踐履者詳教發節如何近看盡心章其經旨訓詁他不暇求只將一個
心字理會今已累々自顧身心茫未見端緒所云虛靈之境果何如也所
以知覺之妙又何如也由其牯亡之久致此昏昧之患幸須恕其愚而拄
杖卓一下普說至望問答見上篇

夜候如何諸條教示奉讀再三案間茅塞多荷盛眷若或徒言而不體之

於心則亦一場閑說話耳經傳中閑謾疑義初非切問之道不識馬肝未
可為不知味至於本原之地名字精義即不可不知者聖賢千言萬語只
將已放者約之入身來吾儒之學初不外於是也幸須精析明辨以示如
何戊寅

大學或問釋致知之知字云此知字乃智之用非智之體故雲峰引此
而加所以二字於其上以補智之體至若妙之宰之有分別之意朱子固
已屬之用矣明德與智之別非在妙宰二字耳智之訓釋或曰智者心之
靈知之理也靈字終非智之所獨也不若曰心之通一字似勝於靈字通
書云通曰知乃指用而言者用之於體恐或無效耶戊寅

昨示小紙反覆玩讀莫曉盛意蓋所疑者六而疑之原則一必欲以中庸
序耶謂虛靈知覺之知為智之用故也此乃推不去說不通處何以言之
朱子仁說曰知覺乃智之事竊想單言知無言知覺之知則一也耶指而

言各自不同若謂智曰知則知為智之用即智性之發而為知也若曰心虛靈知覺則朱子所謂即所以具此理而行此情者是也可以喻心之全體而其不可謂智之用也明矣不意高明渾圖說出有此不當疑之疑也鄙見斷之如此更加商量則幾端之疑不待辨而自可冰釋戊寅

程子曰心一也有指體指用之不同耳後人之看此程訓而謂有二心可乎益歎高見出尋常萬仁說中云、所疑者未知甚事只同其端無竟其說仰為其致思之地而然耶第念五性六端相因相生無截然為一性為一情者比如人見孺子入井而惻隱者為仁然知其惻隱者智也惻隱之燦然外著者禮也惻隱而往救之者義也只是畢竟主張者仁故不曰禮智義而曰仁推之著惡辭讓是非無不皆然知此則末端并屬智之疑不必辨矣如弟固陋寡聞未知古訓之何如只以體驗心得者仰質耳

深衣制本數日奉玩略見梗槩猶未冰釋自歎根鈍衣裳袷袂領緣之制
集衆抗衷則繁就簡尺度靡差錙銖不遺可謂顛撲不破盛水不漏者儘
乎高見之精密也若依此本而制之可成一件深衣然稟違兩領自方之
文終無兩衿交掩之道明齋所謂深衣之兩衿直下而着則兩衿不相掩
此最可疑者無以辨破依曰是不交衿之衣則千古疑案固自如也若以
無好道理並皆刪去則是謂都無事亦不任背經任情之歸曲裾之不用
自有朱子晚年定論而楊氏之辨析既明且備其曰深衣裳十二幅交裂
之故皆名為袷者可以破諸說之謬而明齋亦曰續袷鉤邊者謂續連裳
前後袷使左右邊交鉤云者正是一副確論別無更生他議之端韓久庵
猶用曲裾之制而西溪亦從以為只依家禮裁制而結袷於胸前則衣自
正云、其為袷者衣前兩衿也既不得交掩則須用結紐左右俾無分開
之患而謂之鉤邊此與鄭注所云屬袷鉤邊者若今曲裾之意何異歟溪

翁想必見楊說之如此而猶為此論者亦必有據尊必剖析以破愚惑之
滋甚也衣繫之綴於兩衿上無疑矣家礼曰合縫為續衽覆縫為鉤邊
蔡氏曰連續裳旁前後幅之縫左右交鉤即為鉤邊補註抑以為兩說謂
未明白自謂之說曰續裳之兩旁故謂之續衽在裳之兩旁故謂之鉤邊
此可謂明白之論耶貴本所謂合縫而覆縫者非但腋下有此制也十二
幅皆當合縫而覆縫云者未知何據而共執不得不然者耶并詳示也戊辰

與申駱棲錫疇尺牘

十日淋雨誰肯裹飯而來一窓清風政合對榻而話辛未

其雨其雨杲杲出日大車無輶小車無軌而州里行乎哉辛未

與族侄濟文書

自春徂夏書面俱阻悵耿恒切即向調復萬衛眼青差勝耶涵春本原爰
養精力大勝於陳根腐草一散一丸之效故朱子亦曰猶恨盲廢之不早

此語豈偶然哉蓋有得養心之工也養心為治疾之本而人間世未有無
事時節物來順應事已物留亦可為養心之節制果能體認有得否滿紙
誨諭無非心近書中得來多荷々族從三夏三秋消遣於杜門靜寂之
中近讀中庸未能契緊有時默誦三十三章大文胸中浩々猶賢於已坐
忘便是坐馳**古語**不虛自顧可慚秋氣入簾櫳々神馳於俗離山水丹陽
泉石之間即欲奮飛兼與君迭宕於山影水色之中說桑麻說杭稻乃其
餘事船行妨病陸行無騎早晚當面遜病約矣長房三次祀事幸賴天佑
人助依樣以過縱遂微誠力盡計寤寐無喜始善終之策罪悛萬々辛卯九月
即奉手滋悅接清範旋慰經履萬迪服制驚悸病從五十六年固守東岡
之客名忽通仕籍真所謂水到船浮瓜熟蒂落謂學優則良愧曰論定則
乃可比諸世間逐々奔々子吾則毋泰甬所生良幸且仙霞密邇迷泉
白石珍花軟草天餉晚年清福亦不淺々但清貧本色尤是愜意處耳

甲午正月

彌日風聲鼓出大炉鞴欣却卧房無乃天公會事茲耶此亦戰場也櫛風
沐雨有百戰百勝之氣然後可也方其援筆濡墨寫出傑句隱然有凌雲
意豈可效滿奮見琉璃窗風之衰狀耶如我老無能為不覺健羨茲戲題
一律及之諸君雖少衰當學少年吐出一口氣可也聞耒隸言生出玉関
面無人色口呿不能言云男兒生斯世有志於立功策名者豈以風雨寒
暑少侵青雲之志乎睢水之風昆陽之雨未嘗以此為困也海雪塞寧有
飲食適口者大丈夫當以此自勵安能守閭閻不雅鄉里如馬少遊乎良
呵良呵輪示濟大等輩也丙申八月

昔朱子於靈芝寺餞席或誦沈隱侯約詩平生少年日分手易前期及此
同衰暮非復別離時之句以為如僕乃知此味李章未也李章未知何人
年少者如君即李章輩類想未知底言之深功有味也意謂少留見我而
去朝起詠得別狀數首詩及出禁衙君已昨發云不覺憫然有失黯然

流悵也書成數日留作賀語而及其出榜無一可聞到今得失何足介悵
吾侪之晚境追隨亦是好事明春如有科必如今番一策上來相與團圓
大勝於一初試耳老杜詩笑把茱萸仔細看亦此意也

丙申八月

前冬詩札尚今按慰居然新春已過半矣經履萬迪閉目靜養向裡工課
果有新得之味否族族意外作宰為簿牒塵埃中頭出頭沒減却胸中太
和春意陶令歸思已發一月之餘平生所學空無以展布奈何時看汪澄
中庸頗有味其於性情中和不無契緊驗得處蓋其一片靈心無一毫私
繫則所發或能中節而但未發之際聊以存養之工夫至而一付寂然渾
然都歸於忘忘亦病也至寬猛剛柔於各適其宜不可以造作若有意造
作非時中之道未知意下如何致譽得失都是物外但今日行今日事明
日行明日事此無動心者而聊可慰者信楸密通可與作花樹之會然姑
未抽身當早晚圖之耳自為太守以來未嘗念及詩句上如此誤人也甚

良可笑又可嘆白首殘年此何樣也
戊戌二月

剛齋遺稿卷之十一

附錄

年譜

府君姓金氏諱昂鉉字洛元初諱如號剛齋

一歲戊戌 正宗二年四月十五日丑時府君生于義洞南基之第祖考

七間茅屋
今皆為墟

二歲己亥

三歲庚子七月遭祖妣龍仁李氏喪父宜行祖監司世勉朝父哭泣每隨長者如禮人皆異之

四歲辛丑

五歲壬寅

六歲癸卯

七歲甲辰詠菊有特立冒霜香之句壁上書揭晦翁敬齋箴

八歲乙巳

九歲丙午

十歲丁未冬食樞公

除真寶縣監

吏判李文源

十一歲戊申春往侍真寶衙中

樞公使之靜處者書不煩提督惟意致至夏盛暑亦不使做古風或作序記跋

抄通鑑全秋課餘日首綱目五六板初則食樞公字喻句析終過一二卷漸至意解理順雖簿牒之暇舉燭之後必令臨讀日以爲恒式如是

看了三十餘卷

十二歲己酉

十三歲庚戌六月

世子宗純誕降時八

○劄錄語錄之難解撮要文字之

肯綮以至星曆卜筮相人之法

十四歲辛亥

十五歲壬子自衛返京第

曾氏居子館洞寒泉舍○受學杜詩於吳翰林

在在田土珠玉只○冬遷厝元城全州柳氏自揚州栗里遷月山

十六歲癸丑夏金樞公承遞真寶付以十考遞○冬聘海平尹氏郡父種烈祖

十二月初八日奠鴈

十七歲甲寅春迎

鑾應製以詩參賞格

三月觀祈上展謁命宮契儒生八侍

府君隨衆而對上命府君曰彼儒生更為入侍又命舉類曰汝相好矣問父名府君俯以對國子長持詩賦御題諸拜官設應製府

君以二十韻古詩被進翌日上白汝乃金某子舉汝顏命給試紙頒賞堂訖以次入侍序到府君上白汝乃金某子舉汝顏命給試紙頒賞

府君於榻前欲見試紙上曰汝文不善做故多抹句雖出去更勿示人勤做工夫可也退見試券朱墨御考句抹之未抹者只一句一

隻而首句書外字圈之題下更書三下矣○詩題明○夏金樞公除日召白居易等合宴于舟中登臨沂沿顧四座賦之

龍宮縣監吏判金

十八歲乙卯往侍龍宮衙中題詩以自警

詩見原稿

十九歲丙辰正月丁先妣全州李氏憂

於父允協司諫舜氏五代孫○遭艱於龍宮逐櫬栗里三月葬已坐原

○遷厝元妣自月山先塋移○金樞公移擬梁山郡守以龍宮十年七

機移

二十歲丁巳僉樞公貽書若詩勉學書畧曰論語朱書之肩工非不好矣

看則雖未做字可知柳鋪回八手段須留念也且汝文理固陋無人講

磨則耶損多而耶益少如逢權陽仲暖柳文初陳隨處討論可矣。詩曰微才薄宦久南綠年既七旬病又綿世事蹉跎憐白髮家拜荒陞愧

青甕未知門戶誰堪責只幸簞裘有所傳莫道蘇雖偏自苦行看阜鳥

也翀○修葺少痊公東園公遺稿得傳布而且慮一本易致傷污故告

于宗兄袖往家親任耶使善書者騰出然忙未精校想多錯簡誤字是

二十一歲戊午拈剛字扁齋戊寅自記剛齋申承旨緯帷姜洗馬少孝順

○四月服闋

二十二歲己未僉樞公入遞龍宮府君曰余在真龍而邑冊舍凡十有餘

作槐謂之南籬倦遊錄是編也豈其文詞為我特因往迹以寓不忘之

情懷耳因其詞而想其人想其人而玩其詞亦不為無助也余於真

寶受孝於再從叔聖養氏總於龍州諸葉于柳文思叔彥李上舍天慶

庚而有李戚德如懿朴景則醇同開而有朴禮如諒洪

子厚浩統李善中選柳致凝辨皆吾同業同志之人也

二十三歲庚申六月 正宗昇遐八日

二十四歲辛酉 純宗元年

二十五歲壬戌作 聖疹歌 大殿 中宮殿疹候康復 肅宗痘候平復 ○次朱

文公十梅詩 用前村深雪裡昨夜一枝開 分韻作五古各見原稿 ○次退溪十竹詩 用開門風動竹疑是故

句見原稿 ○冬出接興寺 與李德如吳汝受盛或做四六或做詩義

二十六歲癸亥春出接花溪寺 與柳致疑同做 ○增廣監試以詩解額 兩殿疹候平復慶科二所考

官金啓洛題 朝服濟河 ○出接花溪寺 與汝受做表策又與德如做詩 ○三日製伯氏擢第 御手

命賜第命官李秉模主文 ○升司馬居三等六十一人 二所考尹光普李晚秀賦題春水滿四澤

子於度外○性祚氏及趙戚 ○秋游松京 拜徐花潭書院七代祖教官公曾遊先生門○入大興寺

啓煥明雅氏以終場皆聯榜 ○冬總論麗史 往抱川外宅觀萬文瀑 ○送李尚書 晚秀成中赴燕並見原稿

稿原 ○冬總論麗史 往抱川外宅課餘總論見

二十七歲甲子秋將金剛 與柳丈文初趙佐郎亨基帟伴行時道伯申令

啓河景校理啓溫如朴上舍宗有宗吉金反○奉贈李相國時秀可赴燕

啓泳敬並有贐章○紀行有東將錄見原稿○冬長子濟大生日十月十三

二十八歲乙丑春出接蘆原含讀周易而故○送洪友純浩赴瀋陽其隨

仲氏校理受浩紉書狀之行贐以三十韻見原稿

二十九歲丙寅春伯氏擢重試陞六考李秉模取三人表題宋賀左右史有起居注執政有時政記始諫有日

曆自聖○出接北漢

三十歲丁卯正月僉樞公陞資通政壽躋七十旬以長子彌善公侍從○秋

仲子濟仁生九月二十日卯時○冬出接花溪寺與再從姪叔章濟冕李慶

三十一歲戊辰冬講磨於蘆原見原稿

三十二歲己巳講論理氣律呂等說其敬夫創疑太和太虛篇洪範內篇

義喪禮握手条上神○贐詩朴尚書宗采赴燕原稿○八月世子宗

誕降

三十三歲庚午

三十四歲辛未春出接北漢舍季重

三十五歲壬申夏作溫陽溫井行自少患濕○秋參子濟參生八月八日寅時

三十六歲癸酉夏作平山溫井行○出接藥師寺洪龜瑞鐵問○伯氏

除恭安郡守秋府君陪食○七夕製以箋恭賞格提金啓洛箋題魯賀

篇

三十七歲甲戌三日製以賦恭賞格提金啓洛賦題○六月丁亥樞

公憂二十五日合空○秋撫成益城世家彙編既過襄禮追成慎

名義深衣制度考證祭禮總論先世事行旁親遺蹟八世譜編莊曰益

三十八歲乙亥既過常事止朝○造兩代誌石磁器煬造祖補

三十九歲丙子九月眼闔○著金佐郎墓碣銘載○冬伯氏除梁山

郡守

四十歲丁丑春作梁衙行有南游錄見原稿

○四子濟儉生三月二十七日子時 ○秋建誌

以表發解世子入學慶科考尹行直表題 ○著趙威昌平公行狀諱公

寅未即徒姑夫也

四十一歲戊寅春埋兩代誌石

楊州曙鳴洞月山祖考妣墓癸亥原塔砌左埋五尺李太史晚秀撰棨坪食桓公墓

皆砌左埋七尺申中丞綽撰栗里先妣墓塔砌左埋四尺李太史晚秀撰并盛灰橫中埋之於各處 ○講論心情本原性

理四端浩然章見原稿 ○夏敬次晦翁感興詩觀原 ○秋游孫哥庄秋

月既望前三日聞玉如在溪庄與一二洞益出往朴尚書尋可驚鄭侍

郎善之額權中丞權簡馥諸公詩軸在案以明月松間照清泉石上流

分韻而東施效顰莫掩形穢焉婦下車庶博笑欄忽見尹侍郎舜和主尹

侍郎汝受緡鄭朗贊景真墨東坡故去來辭集字各成五律三十首七

四十二歲己卯三月哭長姪濟慶樊于栗里面友原後以濟仁子 ○夏講

業於北溪鎮國寺其成聖思近借 ○冬擬寧陵參奉末存秀

四十三歲庚辰春賸二友金剛山行金王如呂中丞友瀛東遊蓬海贈

韻也見○秋迎長子婦全州李氏父老淵祖○冬出接新興寺時吳由

原稿○擬求陵叅奉末望吏判金

四十四歲辛巳九月哭伯氏弼善公十月葬權奉補祖祀○擬慶基殿

叅奉末望吏判金○著再從叔生負公墓誌公諱性祚青山公孫又著

四十五歲壬午冬一女生十一月十九日丑時生後○贈詩金叅判啓溫

副价之行

四十六歲癸未春會企臺與申台受之呂台友瀛吳汝受鄭叅奉權明龜

台副价○贈朴尙書宗上使行軒與申台受之權稚薰韻用韓公

賸詩曹校理龍振之燕●冬迎仲子婦坡平尹氏父進士貞圭

四十七歲甲申

四十八歲乙酉春會臨淵堂臨淵即李山雲亮淵老堂號與成

聖思偕行有廣行日錄見雜著

四十九歲丙戌秋遊松嶽

與成學士聖就點坐逝斯亭次壁上吳棣泉遂采韻見原稿

五十歲丁亥七月

元孫當誕降日十八

與諸益共賦慶忭之忱洪時上舍聖淵元禮

路林上舍魯卿

○冬擬順陵叅奉副望

吏判朴宗薰

五十一歲戊子冬迎三子婦龍仁李氏

父源性叅奉普憲五代孫

五十二歲己丑贈詩呂台東植赴燕

五十三歲庚寅夏應製以詩叅賞格

孝明世子翼代理時也提朴宗薰詩題盡家有南宗北宗

○權奉少痊公長房祠板

時奉安于三從叔錫祚氏家喪後以宗議權奉而翌年移安宗孫顯叙家

五十四歲辛卯五月

孝明世子薨

○冬擬永陵叅奉末望

吏判沈能岳

五十五歲壬辰正月哭第三子濟參

二月葬于栗里已坐原四月又哭第三子婦龍仁李氏合封已原以其下

從野天表烈而姑末閔舍人檢祥

五十六歲癸巳簡寄朴學士宗吉宣川謫所

以微音被謫而又聞

○冬筮

仕貞陵叅奉

凡七次擬望始朴宗薰黃基鎬內移代

蒙點都政吏判

五十七歲甲午贈詩朴台齋聞景副份之行○十一月 純宗昇遐

五十八歲乙未 今上元年冬內移濟用監副奉事申在東遷轉代

五十九歲丙申夏遷尚瑞院副直長申在東璽院直中與隣司諸益共賦

李都事秀甫張奉事省伯金奉事起武○冬迎四子婦豐壤趙

洪都事稚顯金都事德昭任別檢大壽常○冬迎四子婦豐壤趙

氏父縣監萬始遷尚瑞院直長李靖陛六品拜漢城府主簿李義

六十歲丁酉夏擬義興縣監副望吏判金擬掌樂院主簿末望○秋再

擬宗廟署令末望○擬徽慶園令副望○冬擬狼川縣監末望吏判申

○陞漢城府判官金鑑外仍除燕政縣監都政吏判上同

六十一歲戊戌春赴任燕政正月十日○內眷赴衙二月○覆檢全義二月○夏

行祈雨祭自五月五日至○夏考尚樸之政自脫俗○秋迎壻韓允教

八月○慶檢公州八月○差 案錄使負純宗翼宗案錄行次陪到尼

幘轉進
林川
○冬考
醇謹是取疎耽非疵因
一微事居士道伯上同

六十二歲己亥正月二十二日戌時易箒于燕岐任耶松竹堂
翌日子時移安于冊

室後率復二十三日酉時小歛二十五日戌時大歛入棺
二十六日成服二月初二日發柩于清州舊峴初四日山殯
○享年六

十二以其年三月十九日卯時葬于清州西江外二面鶴峴卯坐原距

從曾祖青山公墓百餘步之地也

家狀

府君諱鼎鉉字洛元金氏系出金海府始祖駕洛國王粵自建武著至麗

末有遠孫諱牧卿金寧君生諱普門下左侍中金海府院君生諱到門入

我朝三司副使越四世有諱永堅吏曹參判歷翰林於府君十代祖也

五代祖諱德承獻納贈左贊成號少痊西溪朴公誌其墓藥泉南公銘

其碣高祖諱洪福大司諫歷翰林號東園際我肅廟彈枉濟善偉風有

節明齋尹公西坡吳公皆哀挽曾祖諱宇集星州牧使受業於西溪先生

祖諱令熙學優未仕孝友淳篤考諱獻祿真寶龍宮縣監推長子侍從

恩增秩通政授僉中樞元妣全州柳氏父德之全昌尉廷亮五代孫絀妣

全州李氏父允懷司諫舜民五代孫府君李氏出也府君以正宗戊戌

四月十五日丑時生而天資純淑性度質古庚子遭祖妣龍仁李氏喪

朝夕哭泣每隨長者如禮人皆異之髫髻已悟好學奉承家庭之義訓不

待師友之煩督七歲詠菊有特立冒霜香之句壁上書揭晦翁敬齋箴十

歲僉樞公宰真寶府君隨往靜坐讀書唯意筆硯或作詞律序記跋抄通

鑑全秩課餘看綱目初則僉樞公字喻句析纒過一二卷漸至意解理順

看了三十餘卷既還京第就學於吳公恭曾甲寅上謁景慕宮府

君迎鑾入侍上命舉顏曰汝顏好矣下詢父名府君以對赴應製以

二十韻古詩御考三下明日入侍上命府君進前曰汝乃金克鏐乎

文不善做故多抹句汝必勤做工夫可也諄々聖誨勉以成就不啻若

家人父子也是歲僉樞公除龍宮隨往以詩題壁自警丙辰丁先妣全州
李氏憂自衙返櫬居喪盡禮戊午讀魯論至棖也愍焉得剛之章惕然于
心曰君子之能伸物上庶人之常屈物下宜在是矣因自號剛齋僉樞公
手書以貽之揭諸壁上以寓追慕韋絃之意焉申中丞綽姜洗馬必孝朴
樂正南源並著剛齋說若銘癸亥中進士試伯氏魁鵬製 賜第蓮桂並
耀一門為世艷補甲子賞秋金剛有東遊錄戊講義於蘆原別墅有麗澤
錄甲戌丁僉樞公憂伯氏時宰泰安不得終孝府君以為喪禮之大者
而易有倉卒之失殮殯諸節援禮據義果無餘憾既完襄奉撰次八世譜
先世遺事旁親事行慎終錄喪服名義深衣制度考證追遠儀祭禮總論
八篇彙成一冊名之曰益城世家彙編追遠儀則參酌尹明齋朴西溪兩
先生祭儀爰作家規者也權中丞駿評曰八世譜禩長公孝悌心也先世
遺事潘安仁之陳世德也慎終錄追遠儀又溫公書儀邱氏儀節之同一

義也申知樞絢為之序略曰尚哉剛齋之為孝也詩云無念爾祖聿修厥德曾子曰慎終追遠民德昭厚矣剛齋既念祖矣又能慎而追之矣吾將見其益進乎修德有補於民教既過常事依退溪禮說止朝夕哭晨昏展拜服闋伯氏治梁山郡翌年府君遊嶠南有南遊錄常與伯季氏同枕連床惟以堦堦湛樂不以算瓢為憂蓋為學本以經傳性理旁及諸子百家以至理數卜筮無不潛究致力於易庸尤用功也自少患風濕成痼每病之妨工雖委在床第之時眼背無寐之晨或倩人看字或整冠成誦時值行程必以數冊及紙筆隨裝曰非但遇境成吟亦宜馬上看字唯估俾究精嗜若藟黍寒暑不能入老而采篤未嘗一日廢也常平無疾言遽色喜怒不形或有橫逆之來必曰我省不疚人當自起自滅御婦孺僕婢每多寬恕一不苛責使自感服早起晏寢晝未嘗卧雖有微恙不廢也御造次起居手整書秩性嗜酒一未及亂交遊必擇而每相對無怠慢之容稽誥

之語所推許皆宿德巨卿雅望益友酬月露之漫興討性理之本原連篇累牘盈箱溢篋辛巳哭伯氏自是家計尤剝落或勸賣家析產府君曰豈為支子孫契活檀賣奉祀家清寒即吾世業處之晏如權奉祖補祀之奠必盡誠敬甲午乙未連哭季若嫂氏殮殯如禮稚子弱女字育若已出焉登庠三十有餘載五叅試格六擬初仕竟未展其所蘊人多稱屈而猶不介懷 純宗癸巳始筮仕 貞陵叅奉 今上乙未遷濟用監副奉事歷尚瑞院副直長直長陞六品漢城府主簿判官據理聽斷干囑不行公務餘閑必邀詩友跨日文會丁酉除燕岐縣監翌孟春赴任律已御民寬嚴交濟徂未周月備置解紱日歸資曰吾進而無拘束退亦有盤纏去就豈不綽有餘裕居官者患在得失百事不可做也推結剝補軍弊省野農蠲稟俸設旬題興儒術備賑資賙饑荒邑有遺財隱結並付公用親檢俵災發歿丁民多實惠吏不容奸書問知旧每情厚而物略或空簡而伴詩人以

為俗異於古府君曰人如笑此不如且已己亥正月二十二日戌時易簣
于官次享年六十二上元翌日府君命不肖曰吾周歲為宰自冬己有賦
歸底意汝湏上洛傳此書於一二知舊聞其說受其荅以來遂受命發行
離側纔七日忽承凶音顧余不肖不孝無狀罪逆深重竟至奔號寃結幽
明天乎天乎此何人斯是月二十日府君差清州纛祭享役二十一日還
次二十二日裁本第書封節祀需命修都會訃夕入內衙進飯如常旋坐
衙以上納賑貸等事飭諸該掌抬首校退村民巡更使知印摘奸各廳之
擅離是日自朝至夜公私酬應有倍平日體度少無愆和而時至戌末避
公堂就夾室更無一言遺命正卧考終嗚呼痛哉無乃深知其原始反終
之理而然耶以其年三月十九日卯時葬于清州西江外二面鶴峴里負
卯原距從曾祖青山公墓百餘步地也配海平尹氏父種烈祖郡守遇東
有四男一女長濟大娶本老淵女生二女并幼次濟仁娶進士尹貞圭女

生三男并幼長繼長姪濟慶後次濟參娶李源性女既冠而夭無育次濟
儉娶縣監趙萬始女女適韓允教耶著遺稿八卷藏于家嗚呼府君貌宇
俊古優操堅確孝友根於稟賦仁愛及於應接精神淵靜言語簡訥踏實
做工含忍成性治家儉約而不事邊幅處世坦率而不知阿好文辭典重
筆畫楷正寧戒不肖等曰單寒門族不學蔑識無以保家拜可不勉旃自
古有志之士未聞俟宴閑而做工者且謂學無暇者雖有暇亦不學每父
子兄弟叔姪團會一席論文談古使各誦其讀或拈韻迭和曰昔在真室
時余誦唐絕之暇先考授以歸去來木蘭辭至若楊子法言雖未卒業至
今猶存梗概蓋兒少時尋常承聆倍勝於長大後緊著看過也又曰先世
遺事國朝故事人家派譜及先輩翰牘不可不知也吾所編譜牒及耶抄
國典略可領槩又自壬戌朝紙之最要家事之可考并筆之於曆成年
日記十歲以後汗漫著述及冠以來知曰片札俱收并蓄可為後進覽考

又曰視其友可知其人汎愛衆追勝已慎言語罕出入庶寡過矣嗚呼先府君純德實行庶有同志之相知嗟小子何敢一毫溢辭忍傷我府君謙冲之遺意考諸巾笥之蹟參以一二所得於過庭之際者收血撮錄請文於當世立言之君子以圖不朽伏惟哀憐而採擇焉不肖孤濟大泣血謹狀

行狀

公諱鼎鉉字洛元初名克鉉姓金氏金海府人以駕洛國王為始祖著至麗末詳在譜牒入我朝有諱到門三司副使歷四世有諱永堅官吏曹叅判即公之十世祖也五代祖諱德承獻納贈左贊成號少痊高祖諱洪福翰林大司諫號東園際肅宗朝持清議有風裁明齋尹先生及西坡吳公有哀挽曾祖諱字集星州牧使受業於西溪朴先生祖諱令熙學優未仕孝友純篤考諱獻祚蔭縣監推長子侍從恩增秩通政授僉中樞

有厚德雅操不言而躬行妣全州柳氏德之之女繼妣全州李氏允協女
公李氏出也公以 正宗戊戌四月十五日生有美質地步優如庚子
喪祖妣龍仁李氏每朝晡哭隨長者如禮人異之髫髻已好學敬承庭訓
不煩程督七歲詠菊有特立冒霜香之句僉樞公宰真寶公時年十一隨
之官惟翰墨是事手抄通鑑全帙其看綱目始也僉樞公為之字喻句析
過一二卷能自以意解及還京就學于吳公泰曾甲寅春 正考謁
景慕宮也公隨迎 鑾諸生入侍告姓名 上命舉顏曰汝相好矣以父
名問其日應製以二十韻古詩 御考三下八格翌日入侍 上命之進
曰汝金克鉉乎文不善做故多抹句汝其勤業也 聖眷益出於鑑賞而
可想作人之有造是歲趨庭于龍宮縣學益篤以自警詩題壁焉丙辰以
李夫人喪自衙返葬居憂盡禮戊午讀曾論至張也慾焉得剛章惕然于
心曰君子衆人之伸屈於物者其斯歟擬以剛名齋僉樞公許而書與之

用揭壁上終身敬省天戈登司馬覆試伯氏魁觴製 賜第棣萼之蓮桂
並耀在同年為世艷補甲子秋賞金剛有東遊錄戊辰與金啓泳散夫講
學於蘆原別墅有麗澤錄甲戌丁餘樞公憂時伯氏官恭安戴星未及主
喪公以為喪當致禮能戚而易殮殯無遺憾既葬讀禮之暇撰次慎終錄
喪服名義深衣取證追遠儀祭禮摠論蒐輯先世遺事以及旁親纂內外
八世譜合名之曰益成世家彙編追遠儀即泰酌明齋西溪兩先生祭儀
爰作家規者也服除伯氏官梁山游覽嶺之勝地有南遊錄辛巳哭伯氏
自是生計益落、或勸賣弊產以析產公曰清寒乃老世業豈可以支子
擅賣奉祀家目為身謀乎久而不撓惟樵奉祖補廬以居以伯氏之先已
喪嗣子也攝祀必誠必謹甲午乙未連哭弟若嫂竭力於喪葬拊恤其子
女如已出焉上庠三十有餘年屢和不第六擬初仕至癸巳冬始除 貢
陵恭奉今 上乙未冬遷濟用監副奉事歷尚瑞院直長丙申冬陞六品

主簿漢城府至判官訟簡政清干壩不行丁酉冬授燕岐縣監以明年初
春赴任泣未周月預辦帑裝而感之曰如是然後進退有餘裕居官患得
失百事不可做也其為治清簡律已寬嚴交濟凡所施為一本於誠心移
結剩補軍瘼捐官俸助野農歲饑勤於荒政邑有隱結遺財付之公用俵
災簽丁不任吏手學校之政勸以月課士知興焉邑殘而自奉甚約奉先
以誠其於問訊知舊物薄而情厚或無物而有詩札人以不俗譏之公落
然不以為意也已亥正月之望公詔其胤子曰吾周歲為吏已有歸思茲
有書於一二親友汝須持以上京得其答語以來其胤受命而行以其二
十日差清州肅祭二十一日還二十二日戌時奄忽易箦蓋以是日附本
第書封節祀需命勘都會訃夕餐食于內如常旋坐衙以賑政飭該掌禁各
廳擅離自朝至暮公私分付煩於平日少無不安節至戌時就夾室浴仍
恬然正卧而逝噫公之觀化殆所謂僊化者歟以三月十九日乙卯葬于

清州外二面鶴峴里負卯之原配海平尹氏父種烈祖郡守遇東有四男
一女長濟大娶李老淵女生二女幼次濟仁娶進士尹貞圭女生三男長
繼長姪濟慶後並幼次濟參娶李源性女夭而無育次濟儉娶縣監趙萬
始女、適韓允教耶著散稿八卷藏于家噫公傳家文行稟性醇慤耶以
基德而種學者早得浸灌栽培之力本原經傳該洽子史其蓄甚富嫺於
功令之文人以不遇稱屈而亦未嘗介意也平居手不釋卷饑寒不能入
行李亦以小冊子隨若值病淹眼眚之時則或倩人看讀或徐緩諷誦老
而采篤焉檢身制行不甚拘、於繩墨而篤信聖言不近裨書其於學問
門路性理名目亦嘗溯其源而涉其流矣蓋心、是實事、是實表裡無
間終始如一惇孝篤友全其性分固窮安貧弗失其義人耶不堪而坦蕩
無戚、家人化之其御婢僕小人亦待以赤心一不詈責也好德如嗜慾
交游極當時之名勝必有文字往來誠以所樂者然也如世家彙編之跋

贊歎其永慕之誠者實齋申公也其題剛齋散稿則竊軒金侍郎以性情
之真根據義理詡之石泉申公多樂齋朴公之於剛齋說若銘勛之以名
義焉是皆古道相勉先達引重之義而其他唱酬俱見於散稿蓋嘗慨然
乎師友道廢其上法隱書則千里相應求道甚勤也觀其與淵堂詩若書
則晚契如舊崇德以期者也於人之善樂聞而樂道之見不善則常若為
之隱避而不忍言也虛懷待物不逆不億言未或有飭事未或設機人巧
而我拙人薄而我厚不知而不愠犯之而不校雖謂之混兮若濁質直若
渝可也而乃由々然循々焉有辨有守終其身如一日則寬柔之強不息
之強公庶幾焉素患風濕晚益沈痼而處獨亦未嘗偷惰非甚病則常早
起晝不卧也晚而讀周易中庸者為多在邑也亦不廢嘗抵書於余曰不
才而分憂敢不盡心竊以朱子所云不能則謹守常法者自勉而杖以立
威酷以辨事不能效俗吏為也既不有意於猛亦不有意於寬而庸之達道

易之時中蓋欲從事而未能焉每患過失之常在於無心處此其自道者
實也居官二考其曰尚樸也脫俗也醇謹也疎脫也者未必是褒績而無
愧乎古耶補悃悃無華者歟公佔畢手鈔其書滿家而字畫首尾如一會
友以文述必有記不以人已取舍篇什鱗比並親朋書札自少至老收蓄
無遺曆

日錄歲以為常爛報之可紀者家事之可考者皆在錄中即此

或論說士

學

無以自立且曰未聞有志之士待宴賤而做工夫者又曰汎愛朋友朋已
慎言語罕出入庶寡過矣其言皆出於躬行之餘也公為人少也眉宇清
揚及老古貌蒼然其有意會掀髯而笑恬曠虛遠之懷質慤純篤之氣誠
於中而形於外也性愛酒而惡醉微醺即止親友嘗謂之曰君於酒不酒
而餅之蓋戲其酒不取醉與餅等耳而公亦笑而然之夙有詩癖老而遣
興者尤深每遇佳明得佳句輒曰是日好過了見人有佳作喜動於色屢

贊歎其永慕之誠者實齋申公也其題剛齋散稿則寤軒金侍郎以性情
之真根據義理詡之石泉申公多樂齋朴公之於剛齋說若銘勛之以名
義焉是皆古道相勉先達引重之義而其他唱酬俱見於散稿蓋嘗慨然
乎師友道廢其上法隱書則千里相應求道甚勤也觀其與淵堂詩若書
則晚契如舊崇德以期者也於人之善樂聞而樂道之見不善則常若為
之隱避而不忍言也虛懷待物不逆不億言未或有飭事未或設機人巧
而我拙人薄而我厚不知而不愠犯之而不校雖謂之混兮若濁質直若
渝可也而乃由々然循々焉有辨有守終其身如一日則寬柔之強不息
之強公庶幾為素患風濕晚益沈痼而處獨亦未嘗偷惰非甚病則常早
起晝不卧也晚而讀周易中庸者為多在邑也亦不廢嘗抵書於余曰不
才而分憂敢不盡心竊以朱子所云不能則謹守常法者自勉而杖以立
威酷以辨事不能效俗吏為也既不有意於猛亦不有意於寬而庸之達道

易之時中蓋欲從事而未能焉每患過失之常在於無心處此其有道者
實也居官二考其曰尚樸也脫俗也醇謹也踈脫也者夫必三無
愧乎古耶補惻惻無辜者必三無
友以文

無遺曆少而一訪字得力不可誣也每父子兄弟一室怡愉或各誦耶讀
或論說古今所以風厲者常行乎恩愛之中嘗訓其子曰單寒門族不學
無以自立且曰未聞有志之士待宴閑而做工夫者又曰汎愛衆友勝己
慎言語罕出入庶寡過矣其言皆出於躬行之餘也公為人少也眉宇清
揚及老古貌蒼然其有意會掀髯而笑恬曠虛遠之懷質慤純篤之氣誠
於中而形於外也性愛酒而惡醉微醺即止親友嘗謂之曰君於酒不酒
而餅之蓋戲其酒不取醉與餅等耳而公亦笑而然之夙有詩癖老而遣
興者尤深每遇佳明得佳句輒曰是日好過了見人有佳作喜動於色屢

田諷誦斯亦其心好之不啻若自其口出者也噫古人質朴之典型師友
篤厚之風流於公可徵而其為詩文亦朴實典重真率平淡無餘世之音
為政也有古循吏之規凡此皆足以矯漓俗補世教也而暫試小縣壽亦
止斯世莫有識其貴者此豈公之命而已耶然而誠無不應積必有發則
公之弗食于躬者其在後乎余辱公遊從之好矯性而受益者多矣公嘗
惜余之不事家學而余實負公自從妄冒誤恩凡三得公書而聊以憂
余而勗余者勤々懇々其第三書乃有賦歸卜鄰之願此意何敢忘也今
公之胤纍然而來拜且泣出其所自叙家傳要余狀次之余宜辭而終不
忍固辭念公年前嘗戲余曰子其狀我之行其勉之時余一哂而已今雖
欲辭不可得矣謹就家狀且附以余所感者具論之敢望東筆家採擇焉
寧成近默謹狀

先府君遺事

府君自少至老惟功業是務物無私藏其在趨庭時雖往官府隨身者只是書冊至於紙筆必稟得於父兄亦無所自儲

曾遊伯氏任耶梁山及歸行中只有數束紙而已家人交謫府君曰外物非吾耶閔稟于衙中可也

平日所用手兒不過世傳之一推枕補缺塗隙不可堪用曾在父兄作宰之日亦不換備

平生不事產業口不言財利家人目之曰耶知者惟書而已

凡於做事牢着閑鎖儉約而不好侈美待人剝去崖角坦率而不修邊幅每以固滯為戒容忍成性或謂寬仁太多強毅不足然人莫窺其涯畔故也

嘗曰學問之道非甚高難行者日用語默何莫非學雖不讀書心勿忘於文字間常慙焉則自然漸漬也

平居不以衣食為心累衣不取鮮明食不取侈美暨蒞縣亦不著補衣隆冬長夏朝不烘柴午不設殮蓋功不泊之痛亦未奉祠板故也

嘗曰人生於世雖享百年之壽不過一瞬之頃豈忍惰棄四肢虛拋分陰雖有微恙不廢中櫛亦未嘗一日廢書也

嘗戒不肖等曰吾曾十餘歲每侍大庭有疑輒叩隨事必稟先考或以所做詞律命余敲推乃猥自承意或改之一二字領之而或稱可尚心甚快病恒不離側尋常承聆老而猶有梗槩追想其樂則不啻如作日而風樹之感靡耶逮及矣

嘗曰吾交遊甚狹而似無取友不端之誚是則吾昨自許也

每於科場不以得失關念嘗曰當日所作自顧無欠充然如有得敗亦可喜設或以可東可西之文被選還覺自愧于中

平居制煩以簡處動若靜曾除京兆郎有詩日期刑曷若措刑化有事恒

如無事人每簿牒餘閑必邀朋文會常患廩粟不絀至或市飯以進然朔
例賜直外毫無所染洪侍郎義瑾時以亞堂每語人曰金某廩潔之操文
雅之規誠今世古人也

嘗語人曰補以士子褫長袖襲褶子襪背無垢膩墨痕未必是做工夫人
也吾所厭者而不屑也

嘗戒少年輩曰科官即一外物不必專看亦不可廢者必以收放為主可
也雖或騰揚世路心有所慚日食萬錢之何曾四至九卿之司馬安無足
貴也反不如得一佳句傳於後世耳

又曰近來少輩專拋實地工夫惟筆是務粗解歪頭馬蹄每於科場屈首
於人受其副件作呈券自為能事吾所功憎者或恐汝輩不文而能書耳
或值忌日有故不得行祀設位盡哀必冠帶端坐待曙展拜

每戒婦孺曰凡祀享之道不在祭需豐厚實在誠心致敬可不勉忝稷非

馨明德惟馨之訓乎

蒞任燕岐有一窮氓穿倉偷斗三既捕略加杖囚乃曉喻曰固當依律以一懲百而顧今歉荒之歲特恕窮困之情命使白放人莫不感服蒞縣新嫁所嬌請備盛衣木籠一對乃曰何患有衣而無盛器乎處窮困必曰思不如己者作宰亦曰無忘窮困時居家居官一揆于茲未嘗有異

書金哀濟大先府君遺事後

吾友洛元既沒之明年其胤濟大袖其先人遺事示余求以增益其所聞而修飾焉余以為知德詳之也余觀其所記十餘則幾皆平日之所睹記其一二未聞者亦想像而耳然噫以其胤記其先人之言行其無差爽固也然從實謹書若是則足為傳家之信蹟亦何事於修飾耶余既別無所增益之事仍以本草略改數字而還之因念吾友平日勛於文史又好詩

律見人有讀書喜形於色詩酒之會樂與之唱酬焉嘗過於余見吾之逸
游倦情必曰何不讀書自放倒為有時而見對卷則曰不亦善乎爾讀書
也勸余作詩固辭以不能曰第作之豈病不能雖已之猶有作必示余吾
家在山麓窮僻處隣人罕到焉唯吾友獨不棄我時復存我如今吾故人
而不在矣吾於此世不復見如吾故人也已吾友於其先世遺蹟家乘墓
誌每倦之焉必於先進諸公求其文字以為子孫藏今其胤窳窳之事甫
畢亦惟汲之焉續述先人之蹟謀於長老以圖久遠宛然如復見吾友焉
如非教誨之有素其能然乎人家子弟之見不到此箇義理者固當有耻
哀亦益有以身力斬立乎其身而追顯于先人又非但論譏先人之蹟而
已以是勉之亦以思吾友也庚子四月日申令錫疇書

墓誌銘

公諱鼎銘字

洛元

初諱

克銘

金海金氏以駕洛國王為始祖入

我朝有

諱

到門

三司副使五世祖諱

德承

獻納

贈左贊成號少痊生諱洪福翰

林大司諫號東園際

肅宗朝持清議有風裁生諱

字集

牧使西溪門人

生諱令熙以孝聞友生諱

獻祚

縣監秩通政僉中樞用公伯諱並該侍從

追見也配全州柳氏諱

德之

之女絀配全州李氏諱

名協

女公李氏出也

公以 正宗戊戌四月十五日生有美質髫髻已好學七歲咏菊詩有特

立冒霜香之句不費程督而文藝夙就甲寅春

正考諱

景慕官也公

隨諸生入侍

上命舉顏曰汝相好矣汝其勉學也可想其相貌之異凡

也丙辰丁李夫人憂居喪盡禮嘗讀論語至振也愍焉得剛惕然曰君子

象人之伸屈於物其在斯歟擬以剛名齊僉樞公許而書與之用揭座右

終身警省焉癸亥司馬甲戌丁外憂時公伯氏任秦安未及歸公慎終以

禮辛巳哭伯氏伯氏先已喪嗣公攝祀盡誠敬又連哭第若年婦拊恤其

孤如已出癸巳

除

貞陵叅奉歷濟用副奉事尚瑞直長漢城主簿判

官丁酉冬授監燕歧縣赴未周月治歸裝歲之曰居官患得失百事不可
做也居一年語其子濟大曰吾已有歸思欲問一二親友而決之後數日
命勘都會計進夕餐如常至戌時就夾室浴遂正卧怡然而逝噫殆耶謂
仙化者歟是己亥正月二十二日也以禮月葬于清州外二面鶴峴里卯
原配海平尹氏考種烈祖郡守遇東育四男一女濟大濟仁濟參濟儉濟
參大韓允教室也公居官清簡律已寬嚴交濟凡所施為一本於誠心結
刺補軍摸捐俸贖民飢俵災簽丁不任吏手申學校之政月課以興起士
風自奉約而奉先豐其於問訊知舊物薄而情勤或無物而以詩札源
喜讀中庸周易在邑亦不廢嘗言不才而分憂敢不盡心竊以朱子所云
不能則謹守常法者自勉而杖以立威酷以辨事不能效俗吏為也蓋其
為政也有古循吏之規之規焉居家則內行純備篤孝友御下亦一以赤
心固窮安貧坦然無戚意每父子兄弟一室怡愉或各誦所讀或論說

古今所以風厲者常存乎恩愛之中嘗訓其子曰卑寒門族不學無而自立又曰泛愛而友勝已慎言語罕出入庶寡過矣公好德如嗜欲如棄齋朴南源寢軒金啓溫石泉申綽兄弟皆以古道相勉果齋成近默相與朝夕功德法隱妻必孝千里書交論道甚勤誠而所樂者存也其文辭則本原經傳篤信聖言發以為理勝之文典雅之詩所著散稿八卷藏于家噫公德性之美余莫裂何以彷彿其一二哉然竊謂公之稟性粹正於道不遠不以學問自居而安於彛倫明於義理有非拘是實繩墨譴是實文字者比成果齋深知公者狀其德曰心是實事表裡無間終始如一又曰虛懷待物不逆不億人巧而我拙人薄而我厚不知而不愠犯而不較雖謂之混方若濁質真若渝可也而乃由焉循焉有辨有守此皆非阿好之言而亮淵所不問者也噫亮軌是實數多屈曲者常待公以為隳枯矣今焉已矣遂泣而銘之曰

休：君子而復慥：與衆優遊親仁最好 潦倒貧仕靡患得喪 求
剛得剛伸萬物上 躬餘詩禮以永傳家 公丁公事何用更多
崇禎四庚子通訓大夫軍資監正李亮洲撰

墓碣銘

上之五年己亥正月己未燕岐 使君金公某卒于官所士友莫不嗟惜
其諸孤護襯塋宅以三月乙卯葬于清州治鶴峴之卯原明年夏其長嗣
濟大千里致書曰大也不天遭罹大難首踊不克離次敢介果齊之扶臨
淵之誌謁而顯碣惟不忘舊誼以賁泉塗徃居俱受賜南望拜起為禮必
孝發書愴涕日是華所屬可非其人而顧於輩流獨後死其何忍辭且此
有黃王故事謹按公諱鼎鉉字洛元初名克鉉金海人以駕洛國王為鼻
祖世蕃昌歷羅代入本朝簪組不絕高祖諱洪福號東園翰林大諫除
肅廟治朝有風裁持清議儀表一時明齊西坡先生皆有挽語曾祖諱宇

集
星州牧使受業西溪先生祖諱令熙孝友有文學考諱獻祿累典領邑

所至稱治推長子益鉉侍從恩增秩為僉樞有令德雅操妣全州柳氏德
之之女結妣全州李氏允協女公李氏出也以正廟戊戌四月十五日
生生有異質不類羣曹才三歲遭祖妣喪隨長者拜起且哭孩提知愛有
如此七歲詠菊有特立冒霜香之句其挺特之操亦可見十一歲隨大人
公於嶺邑受少微史能手抄一帙次受綱目教之要領則餘能了解而自
讀及還京第就學於吳學士泰曾聞見益宏博甲寅春正考謁累慕
宮公隨諸生迎鑒入侍應製以二十韻古詩御考入格上命舉顏
曰汝相好矣其勤學也肅春迺出鑑賞之外如此是歲奉晨昏於嶺之
龍宮學業日就丙辰丁母夫人憂返葬喪居一遵文公禮戊午讀魯語至
棖也懿焉得剛乃惕然曰君子衆人之屈伸於物者其在斯矣擬以剛名
齋大人公嘉其志書與揭壁為常目存者之資癸亥中司馬伯氏魁鵬製

棟蓼蓮桂為時艷稱戊辰與啓沐敬夫講學於蘆原別墅有麓澤錄甲戌
丁僉樞公憂時伯氏宰恭安戴星而末及主喪以為喪當自盡賊易中節
慎誠勿悔讀禮之暇換慎終錄喪服名義深衣攷證追遠儀祭禮摠論又
蒐輯先世遺事以及傍親內外八世譜合名曰益城世彙彙編其追遠儀
即參酌明翁西溪兩先生祭儀而作家規者也辛巳哭伯氏家訃剝落或
勸賣弊廬以析著公曰清寒乃世業豈以支子故擅賣先廬耶伯氏在時
已喪其嗣子公撰祀惟謹又連哭弟若嫂拊恤其子女一如已出癸巳除
貞陵叅奉乙未遷濟用副奉事歷尚瑞直長丙申陞六漢城主簿判官丁
酉冬拜燕岐縣監蒞官未周月祿辦歸裝而箴之曰如是然後進退裕如
也其為政循謹律已清簡吏不敢欺民不忍欺如是結剝補軍瘼默隱結
付公用學校之政勸士以月課皆發政之仁也粵己亥正月作書親朋決
去就蓋不悶歸思也以二十一日命勘都會計公私申訪倍於平日至戊

時就夾室薰沐恬然正席而終嗚呼君子曰終公之謂與配海平尹氏鍾
烈女生四男一女長齊大娶李老淵女生二女幼次齊仁娶進士尹貞圭
女生三男長以命入承補宗餘幼齊參娶李源性女大齊儉娶縣監趙萬
始女女適韓允教所著有八卷藏于家公以東園後承生長詩禮庭其所
以基德而種學者卒之孝悌參之經史窺姚姒逮莊騷平居手不釋卷疾
病不廢吟誦行李必隨小冊子性任真和而不流安貧守約始終不渝好
德如嗜慾交遊徃復如申石泉昆季朴樂齋金寤軒皆當世之選嗚呼使
公老壽益充所養則其所以脩己及人者豈止於斯而已耶惜乎必孝居
相遠不識荆昔年因成斯文聖恩謁以先公之狀聞國家督蔭調書替益
密及至臨終訣書則輸款規勸藹如平昔又申提金敬夫鄭景執觶之為
吾黨賢士又誦隱侯夢中不識路之句以慰相思嗚呼死生之際大矣竊
息在晷刻之間而精爽不差非有素養而能若茲乎今其嗣胤收拾中稿

又以埏道之文再三推委顧以年老神道無足以貢寒山一片且成李狀
誌已盡矣何贅焉第惟三世契誼之重敢竭棄朽以寓平生照心失臂之
意系之以銘

世頌東園儀表一時端笏朝行謇諤自持嗣德克世淵源正脉及至先公
亦篤前烈公實似之行醇學博晚而菴調不易其操何意南官忽驚符到
顧茲淪落失臂照心書疏相勉廿載如今事乃大已西風悲淚攸行選德
序銘其隱神之聽之庶乎知己

上隴之六年庚子秋七月庚子通政大人行敦寧府都正姜必孝撰

墓碣銘

余少從賢士友遊聽其言觀其行而得其心者多矣或質直而好義者或
有穎達而淹識者或泓涵演迤有大家地步或蕭散爽朗有高士風度其
姿質行能譬若春蘭秋菊各為一時之秀而要之為當世難得之士則一

也然其樂善而物我兩忘好問而芻蕘必擇譙光吉氣藹然見乎眉睫口
吻之間蔚有大君子盛德者吾獨於剛齋金公見之矣噫人之彞性初何
嘗不好善而人已之町畦未闢則伎克之私意漸萌之人有善若己有之
者吾未之多見此吾所以增唏累悵而不自止者也詩曰不忮不求何用
不臧原憲克伐不行而夫子以為難樂正子好善而孟子以為優於天下
據此則人之種二在悔何莫非從一我字生出而好善之心最為天下之
吉祥善事者不難知也若使公幸而生於原憲樂正之時未知為聖賢之
所與者果何如也公生質甚美充養有素其服善好德如嗜慾與朴樂齋
南源金寤軒啓溫申石泉綽兄弟皆以古道相勉成果齋近默李山雲亮
洲契分左篤討論功廢資益弘多亦嘗千里書交於姜海隱必孝論學甚
勤見人小藝一能亦皆取以為善不自知其蘊抱造詣之絕類離群古人
所謂聞道百自以為莫己者若聞公風亦可以少愧矣嗚呼余以無似忝

在公交遊之末其深契遠期可詳於公散稿中蓋原麓澤之錄城南唱酬
之韻今於銘公之墓義不可以不文辭而今天姿學術之粹美純正出處
言行之真實篤厚果齋之狀山雲之誌掄揚無餘蘊固不必架疊若其好
善之誠曠百世而稀有者惟余從遊最久知德尤甚故特詳此一款以為
微顯闡幽之道焉公諱鼎鉉字洛元號剛齋金海金氏以駕洛國王為鼻
祖入我朝有諱到門三司副使五世祖諱德承獻納贈左資成號少
痊高祖諱洪福翰林大司諫號東園際肅宗朝持清議有風裁曾祖諱
宇集牧使西溪門人祖諱令熙不仕以孝友聞考諱獻祚縣監秩通政食
中樞妣全州柳氏諱德之之女緇妣全州李氏諱名協女公李氏出也公
生於正宗戊戌四月十五日癸亥中司馬癸巳除貞陵叅奉歷濟用
監副奉事尚瑞沆直長副直長漢城府主簿判官丁酉拜燕岐縣監己亥
正月二十二日考終于仕邸享年六十二葬于清州外二面鶴峴里坐卯

之原配海平尹氏考種烈祖郡守遇東生四男一女齊大齊仁齊參齊儉
韓允教室也內外孫凡若干人嗚呼公最善吾文每見一篇輒諷誦屢面
咿唔余每以劉邕之嗜瘡痍戲之公之好善之誠殆同良公之不遺曲木
於此亦可見矣自公棄余偃一靡所聘惠施逝而莊周寢說郢人歿而匠
石輟斧拙學而筆蓋退空一作沒字碑今此墓道之文亦未能發揮公德
美之萬一孤負平素期獎不期潛然出涕以悲銘曰 我抱冰炭學迷方
十載薰德望門牆理窟勃窣追程張學海浩渺溯漢唐我號以教君以剛
求仁莫近尅偕減公不少淹我涕滂宿草空山經幾霜有時想像疑容光
落月蒼涼照空樑百世不朽倘可望敬夫之銘洛元歲歲丙午秋八月下
浣江陵金啓沐撰

官止縣監

祭文

近思齋成近默

嗚呼哀哉正月二十一日燕歧伴致兄書於高峯寂寞之濱索答以去粵
九日山間至靈之大化在二十二日矣廿一日復書已無及矣安得將此
書一讀於靈座前乎兄於近年每歎人生無幾或云霎時光景或云轉頭
成空今果然矣獨奈白首宦遊生行不返恨當如何嗚呼世道交喪流風
不淳如兄之古顏古心樸野夷曠更何處得來善非有為胥固無心而知
不知多少者人也庭訓有受好學亦性蚤蒙天褒播厥華聞功令之嫺
而晚焉潦倒則命也佔畢之勤而老不廢弛則志也德之攸好與人為善
每劬我以從事家學而愧我未有以答此意也人皆於我泛泛而兄獨倦
倦不已何哉兄必知我者誤而我實感兄之深兄之去我孰與友嗚呼
此余憂悸成疾棲遑不寧素車莫赴誅辭莫緘負何言多愧古人頃者
一慟於店次也兀然一神墮其人不可見矣何由把一尊酒以叙別懷乎

兄其魂歸舊洞我則迹阻城闌酒不能躬酌文不能聲告而酒薄非泣文拙惟衷璽其格乎否乎嗚呼哀哉

又

法隱姜必孝

嗚呼洛元與兄交際二十年于茲矣不面而以書傾心以相照雖不敢自居於道義相交者而亦不為諛言然諾長箋短牘歲必二三而恒憂存省之或忽遷改之不勇以相屬雖衰朽如孝亦得以資警益且知舊中契愛相善無間於成尹兩斯文知之者衆則用力者廣亦有望於吾友間又因家督筮仕在京相觀以善舊誼新情彌年而愈篤及其傷悼也則千里含辭傷弔備至嗚呼既欲與之定交又辱與之各兒遊又辱為之誅其行悲荷一念結在心府而無緣面訴豈乎昨年綰符燕岐也則湖嶺隔斷之地委承書問而辭必謙挹以弊苟荒政不克仰分顧憂俯恤民隱為愧於壁上四字一命之士存心如此則於人有濟而所學亦小試矣相愛之地

喜而不寐嗣後縣望又復南麾則龍州真海先公之仕國也在兄有相鄉
之遺愛在吾有益簪之同好庶可以歡若平生矣而何意好事難成美疹
忽發奄至於觀化公館啓軫事多變節齎志歛木恨結幽明天不可謀理
不可窮潜至此極耶嗚呼情至事從之地病不知時沒不知日孤負平素
追懷涕零嗚呼往年既哭吾成聖叅今又哭吾洛元所特以相期於平生
者有如此：殆尼門所謂是豈諸人之降年不永哉實閔吾老生窮命者
不自覺妄擬也嗚呼窮居裹退迹阻城闔存不及識荆而輸款沒不得躬
奠而叙哀九重泉裡是交期吾與子之謂矣嗚乎先公之狀剛齋之銘誤
辱拙辭感興之次櫓圖之和珍藏盛什矣兩家子第尚識其二父之心也
耶嗚呼已矣儒雅之操謹拙之規進修之工何處更得來耶哀懷綴辭言
不盡意替侑靈筵哭之以心尊靈不昧尚監我哀

又

外甥韓允教

我昔委禽公時守燕仍留錫館偏家愛春朱墨之暇誨語諄々法家典則
科臼程式戎之勤勵勗以敦實顧余朱愚未墮天袞九秋辭退黯然惜別
歲首謂來專送六足適會事故未克趨拜曾不幾日奄馳計車天胡忍斯
善人云亡凡在親知莫不吞聲况我眈末在子壻列獲侍顏範才決旬月
今焉已矣千古末訣惟公德儀朴素簡默晚年一麾如斗其邑聊以為貧
薄試割鷄臨民以簡恩愛浹骨未暮方頌歸化何速惟清之阡山長水濶
禮成封帑誠違執紼靈返于室萬事悽切駭西古杜詩盟永息小子後生
于何覲德今來伏哭公其知否靈如不昧歆此奠簞

又

三從弟禮鉉

嗚呼痛哉六旬之齡視之於弱年大殤者則可謂期耄矣三命之職擬之
於布衣窮枯者則亦云榮顯矣然而有若淑德而摧折於中途有若抱負
而棲遲於下邑則非所以仁壽矣亦非所以達尊矣報應之無稽我不敢

知也嗚呼以吾觀公平生所抱何許地步耶上窺六經渾：無涯下逮百家浸：醲郁內而心經性理近思錄外而詩律表章歲銘頌提其要而鉤其玄閱其中而肆其外口不絕吟手不停披惟格於大闡滯於潦倒名不題於鴈塔身不漸於鴻達薰曠頓蹄泥曳尾素野畜蘊百不一施則婆娑縣絃不足為公榮統試芹宮不足為公貴此所以為公嗟惜嗟惜之不足而絀之以傷痛也睠役寶樹挺：珠寶垂：則不食之休于斯可徵而前後編藁左右圖書長胤齊大克幹肯構庶不墮地靈如不昧則應解顏於冥：之中矣嗚呼平日事實盡入於當世立言之遜文而昭揭琬琰則固不待訥口之期：而惟其夙所薰炙者一二事告之磅礴其心恬靜其行居官則廉謹奉公居家則儉約自持待人接物不露圭角靜默罕言漠無涯涘足不及卿相之門口不到是非之場其所與之遊者盡是林下耆德窮節文望此其大畧而左有所欽歎者公之學文淳澹積累而熟無多

意惟日不足人之章句掇拾腐陳而不以輕矜恒勉獎進儘是原頭活水琴
中流韻此及自古文人才士之最所難行者也嗚呼十室岐山一年彈琴
云胡一夕奄隔千古臯復於郡齋殯殮於客館親戚未赴長衾戴星皂蓋
南下素車北歸言之於悵思之惻惻嗚呼公之幽宅已卜於鶴山雖非第
輦容易占借之地而一隅遠壠省護孤子亦為輻輳相推之計而公今歸
侍我曹王考靈則亦應呼公而前曰惟爾來惟予偕果不寂寞於泉隧之
間耶嗚呼典型沒矣悒悒壞矣一門無賴十口靡托流水百年浮雲萬事
古木非春大夜不曉嗚呼歿不得視殮葬不得執紼孤負春誼莫伸情禮
一慟萬懷豈有窮已漬綿操誅只告悃悞公靈如在歆茲監茲

又

再從姪濟寅

嗚呼壽纔花甲公得其壽耶位終下縣公稱其位耶痛哉惜矣公自幼力
學讀書績文繼夜窮年沈浸醲郁芻豢不足以悅口絲竹不足以入耳不

修俗子之邊幅一仕吾心之真率視彼汙倭目殊軌轍世有經述之士俱
為道義之交論經史之奧旨和月露之逸篇早登上庠潦倒半世晚境通
籍偶得岐陽一小縣官舍抵於山家開花牕於訟庭撫字盡誠不要名補
古人耶謂有及人之愛無害物之殃者為公功實語也聽訟之暇必誦中
庸易繫及諸經日以為程此徑之經冬燕邑時坐卧與共日夕親見者也
平生抱為有遠大之器無淺近之像孰謂公之遽至於斯耶痛矣痛矣棟
梁遽摧典型俱亡萬事墮甌如復何及悲夫悲夫臨終倉卒之狀石火電
光猶不足喻其忙倘知如此恨不小留十數日以作千古之永訣也公館
孤魂有恨如石伯衣戴星行路亦悲興言及此寧不慘惻佳城已卜清原
無由臨壙一哭顧此餘生左覽張、然幾何不從遊於大化之中耶未化
之前此生良苦文拙悲切略叙萬一隻杯雖薄庶蒙降歆


又

山雲李亮洲

嗚呼公生而能全天賦之懿德老六十以天年不病而觀化使我得如斯則當不以死為悲但我於上一事已無及矣而下一事又非人可得者公為吾所樂為而不以為悲者於公亦何足為之悲也抱富而未施壽又不大人皆以此為公悲而此在天者吾不敢責備於天惟此一別後人世遂無公也吾能無悲乎如公之好風儀好言笑醇質厚德表裡坦然與我犁然相樂誠欲我為善誠欲我无過者吾如何更得見嗚呼悲者公於我有古友道膏責我以山水間遊騎太遠自公之歿益復警惕將圖息黥補剗然後報諸公弱今尚肚裡餘滓洗滌未淨而老病將死異日相逢其將謂我如何更於公幽堂之誌妄溷佛頭知為公之所不屑而狀德未盡舉一而遺二則庶或以不諛墓怨之耶此二件事茲敢首實而替人哭告嗚呼悲哉

又

嗟公之沒歲已周閱上元一札戲道窮達暮境縣紱自誇閑歇路脩便濶
我辭仍闕念子平日無偽而質貌厚心拙儀璞語訥若每人悅內自鑑別
自余交結神聽采坊坐幾促膝留或投轄舟兩省雪呼酒輪筆前秋佳節
余適南出三街夕秣東津風烈官梅誰折保月蕭瑟詠我二絕青山一抹



輓辭

南鴻北鴈歲華催春返錦江人不來瓊章到手無多日石火驚心已劫灰
忍說淵明歸菊後空留何遜賞餘梅我思悠々一別永無緣更把論文盃

璿

用正心所承
輒見屬韻

友人成近默

義
蒼執

廿載神交歲月催忽驚纓屨夢中未交情溢篋書如荀問學專心老不灰
視化應騎緱嶺鶴去思想統使君梅山南病友相須意洒淚西風酹一盃

姜必孝

洗馬

自號剛齋揭短楮剛齋好學性靈真批風抹月襟惟爽服蒞紉蘭道不貧
心卧誰知涵活水口碑只誦布陽春終登鑒舍金蓮折菴促窮塵璞玉淪
三命元非官補德六旬自是壽年仁研契書籍須傳子詩酒風烟別與人
石火人間醒夢日玉樓天上掛名辰年々花月留陳藁處々江山泣舊塵
訣別湖西因隔歲追遊洛北若經晨好將碩果循環理仔見芳蘭福慶璫

旅櫬淒涼燕郡路佳城惹舊鶴山濱門中長老凋零盡欲綴蕭章淚病中

三從弟禮鉉

赤松遺蔭一枝新獨立風霜六十春少日芳名聯棣萼暮年斗祿出城闔
誰知玉軫馴雉日遽報瑤棺向鶴宅奕世人文俱夜壑寢門一哭更傷神

族姪濟文

世事忽三元化催也應仙僊待君來憂心民白髮曾成雪報國丹心未敢灰
那人更尋恩寺月無緣相問法田梅遺詞向與山雲說淚乾斜陽獨舉盃

友弟韓喆裕

晉州

春光幾度別離樽夢入空樑落月昏六十年餘稽古士半千里外未歸魂
故園松菊依如待塵篋琅玕孰與論尚樸文治遺愛在應知父老淚交翻
駝駱山西里巷連追隨文會自芳年泮林夜雨聯繫話禪舍秋燈對榻眠
末路襟懷無白眼平生詩禮即青氈通來暫阻猶悵悵一別那堪隔九泉

豐山洪義錫

泰判

東津小棹鴈南翔官柳西風日色荒獨對孤燈愁不寐遺民生說葬桐鄉
故人東閣尚如存聞我今行喜可言野店依稀標月落一鷗何處有孤魂

過燕岐邑
店懷舊倅

小葦李天峻

辛丑正月之廿二

大暮

夜夢造剛齋故宅剛齋出迎於戶外便背立不

肯面於是記幽明恍驚疑呼其胤前問其見得如何乃遽然而覺悽然
而悲賦得記夢六韻蓋思想之夢幽明之理有不可誣者如此詩思拙
澁不能推演是說可恨茅書此寄示剛齋之胤

香聲生先別誠發宵寐間分明是日寢相還松下欄良背惟些影咫尺阻
容顏夢中翻疑夢驚喜不自安急呼阿郎出為問一般看欠伸一枕上但
見標月殘

成聖思謹稿

此吾剛齋先生遺稿也先生為余再從叔父而余從而師之自幼年至壯

歲離索之日可數也至今栗墅幽夢悠颺於春花東畔老松下小樓邊晴
牖向陽老書連屋話詩浮白笑語款博若平昔歡每患覺非真境是固小
少遊息之久慕悅之深自發於宵寐而然也然則從先生久知先生詳者
宜莫余若也噫先生襟韻疎曠顏相魁古山槩之姿文黑之炁積中藹外
見者知為有道者器像其好學也得於性而守之剛、以扁其齋庭教也
常目服膺至老白首如一日雖在造次惶、一念未始不留於文字上余
嘗以言奉戲曰昔蘓子瞻登九成臺曰山川草木俱是文章今先生之寢
食語默到是文思也蕭然一室案留經訓筆札三教十年不住修訂而句
語之間必詢安寧當否有所陳見則輒欣然竄改無復吝留是樂善好問
之除者也是以取友也端同聲是應論道義則如李山雲成近思相與辨
論名理參正同異姜法隱則未嘗合席促膝而千里麗澤方寸相照在文
章則如金寤軒吳松潤李荷渠金穀齋其餘名下之士迭復倡禩盈溢中

行以至陳世德徵禮議辨理氣亦為累千言平日雖不以經術自居其所
論著皆從向理中出來故發為文詞者皆典贍溫雅紆餘宛轉不矯厲以
為高而有峻拔不可攀之勢不蒼莽以為古而有殷鍾周鼎之質不鉤棘
黷深巨為奧而間架修理井井不紊不奔放浩漫巨為博而今規者望洋
焉詩亦圓渾淋漓恬醖醇古每遇溪山勝界文酒相酬微醺上面笑貌盎
然率爾成章帶得仁智之趣如元亮素琴自有絃外之音世之讀是詩者
不於冲酖少味處有得而祇就聲律藻籥上評之是何異於嗜昌歜羊枣
而不嚼大哉也哉嗟夫困源經傳汎濫于史已自布韋時為士友所推重
而不為多晚就蔭塗回翔一小縣而不為訕蓋其宅心湛虛優游自得喜
不蕩憂不暇窮窘而不移故默視天機腳踏實地深造奧妙自生文未是
豈近世操觚家所能及哉遺文之未脫箱篋者其家允濟大曾於嚴廬守
制中掇拾量分服未闕而編其就可謂善述而克家者也開卷奉玩風韻

神采復自動盪心目謹題白鶴啟天上黃庭在世間炷蕪寒月讀餘韻動
詩関之詩以寓一唱三歎之意焉伯游旣囑余作文而識之復以李尚書
朴始卿之序文及跋示之若二子者眼具而手高辭寔而言信揄揚發揮
已是十分髣彿矣又何鹵莽老學究爲哉游曰昔年師受義氣友道者即
吾兄也今日尊屬歸差靈光者亦吾兄也然則堂內老成之人知先君平
生之詳者固莫如吾兄而獨無有述於遺集耶余惕然強爲之文而不能
模寫其萬一嗚呼惜哉惟我門內後有幾人能踵先生後復從學問上進
步不墜我古家風範如玉謝家子弟游也勉哉游濟大之字歲在先生易
簣後十三載辛亥南至再從姪濟冕謹書

剛齋記

并序

金君洛元以剛名其齋曰吾先子之取命也夫剛孔子所未見而洛元得
之手噫是將以弦韋性情也遂爲之說曰

剛莫如金、有時鑠剛莫如玉、有時折故非剛能剛惟剛能柔能柔然
後能剛至柔者至剛付焉夫水至柔也惟人可押然懷山破邑決九河沈
荆州非水不能也水猶有形水不如風、至柔也童子一指可揮然拔屋
飛石動天地翻大海非風不能也風猶有氣風不如空、至柔也微塵細
毛能沈然運圓象而不息載厚坤而不墜又非空不能也故積柔而後全
剛生焉是以大人者卑下如水巽順如風謙虛如空恬佚靜漠神明與居
中欲不動而外膠為虛故富貴貧賤威武舉無足介其中而撓其守者視
豐屋連闔如弊錫廬視鍾鼎食如一簞瓢視公相位如浮雲視霆雷斧鉞
如蟪蛄過視死生如晝夜視枯菟如度隙塵短褐安於繡袍藜羹適於大
牢不可得以貴不可得以賤不可得以屈故超然絕世但爾自得彷彿乎
埃壚之表而物莫之競非天下之至剛其孰能與於此孔子以寬柔以教
為君子之強斥申枨之慾不得為剛矚然其見聖人之旨也余故申其義

作剛齋說辛巳重陽後日平州申

綽書

永吉

剛齋銘

并序

金上舍

洛元

甫修行士也嘗讀魯論至振也慾焉得剛忽惕然有警于心

遂以剛名齋其先君子實嘉乃而手書以詔之

洛元

受言歲之至今數十

年不墜失一以寓沒身孺慕之懷一以爲常目服膺之資間以求銘於孝
孝非其人又無文以應之者然念懷簡之義若斯甚至矣自修之志若斯
其功矣謹爲銘

性出於天本然則善情感於物惟慾易卒是以先覺克其難克之之維何

惟剛其德吾友

洛元

近思而工以剛名齋制外養中義取於經筆受于庭

廿載一日兢

自持魯無君子斯言

取斯我懷伊人千里同聲勗以前聞

剛則必明、無所掩則不爲勉善利之辨其義必察行範其德損衆斯空

廢幾寡過服膺勿失屠維單閼夷則月上沆山人中姜必孝仲慎書

洗馬

又

我欲剛：斯至矣。但物：而不物於物者，天下幾人？未可易言也。夫見人色莊，許多以剛然，殊不知莊於內，則便為形役，遂失正大之體。由孔子觀之，吾未見之歎焉。得剛之訓，所以發也。金君洛元以剛名其齋，因謂余曰：先君之手書，命小子之常服，膺宜在於斯。子其博我孝思，廣我心，不可無一言之助。曰：前既承誨於庭，今又請益於人，如此其勤，孰不樂以善頌？吾非剛者，不敢言。請以子之所受於前者著于銘。

即之玉溫，赫兮莫奪，望之山立，確乎不拔。潔苟渝之堅可拙也。其誰許汝剛？又詎曰剛者無屈？所貴貞固實中，用能伸乎物上，能此之謂大丈夫。知此則為萬夫望。潘南朴南源書。蔭樂正

題剛齋散稿

吾友

洛元

真實人也。與余雅相愛，今得其文稿而讀之，如見。洛元焉，蓋其

人在乎其文吾見今世之文多矣往々終日讀之不可以見其人者何也
尚葩藻而後今實喜論事而不喜論理鍛鍊愈工而大朴愈散是豈有性
情之真哉殆木偶泥塑儼乎其象而其天者固不在也今洛元之為文也
雖寂寞殺編而所講明者聖賢經禮之名物義諦也所修述者家庭言行
之淵源師承也以至麗澤講習之漸爛往復類皆根據義理無非所以濟
實用補世教者使不至洛元者讀之猶識其為讀書劬躬人況余於洛元
自謂深知其性情真者乎然余之知洛元深矣若其所著述則從遊二十
年今乃見之此又洛元之真可愛也抑其中論禮文字知深衣喪服之屬
考據精博其警發孤滯為多舊余嘗有志於此遍求諸家說青黃丹鉛箱
篋幾溢而窮居寡陋俚々無所叩質遂棄置不復理者久矣今幸得洛元
庶幾與之反復究竟了此一段綠業而顧余白首衰倦萬念灰冷不欲重
費精力殆空言良可慨也丙子冬金啓溫書

又

剛齋者吾友金

洛元

之堂扁而乃其先君子所命佩絃之義也一日

洛元

以其散稿者示余其曰梨亭唱酬錄往在壬戌之秋

洛元

與余社中諸公

所往復者也退前塵而昧惻流光之冉其曰東遊楓嶽錄記於其時

余守青城郡

洛元

路由茲土余欲從之末由到今有年遺恨其曰八世譜

與先世遺事

洛元

博考人家譜牒哀輯家藏文獻涉乎流而溯源及前人

之芳躅其曰慎終錄與追遠儀又其前後遭艱時

錄

次與日後傳家之祭

禮圖式也

孝無感於附身敬有餘於報本

洛元

天道近道加以篤實工夫

恂：若言不出口其於情文儀節之間貫穿該洽鮮有及之者蓋今世巨

儒也

噫調呵月露遊覽山水不過為道人墨客之勝事豈足為

洛元

多少

而若其追先故而盡掄揚之責謹終事而定祀享之禮是為

洛元

之大處

余故許之曰八世譜蘓長公之孝悌心也先世遺事潘安仁之陳世德也

慎終錄追遠儀又溫公書儀邱氏節義之同一義也丙子秋權暖書永旨

又

曾我王考西坡先生於人少許可而與諫議大夫東園金公相得甚歡終始不渝及其卒也詩以誄之曰翰垣一牘金張帽直氣惟應汗簡垂蓋可知也金上舍洛元甫東園公之玄孫也曾受杜詩于吾家翰林榆下窮居之時余尚少蓋知其有美質寧馨而不知世好之篤有如是也及翰林公云亡之後余與翰林之妹婿柳伯愚業功令于藥師庵而洛元與吾宗老孫汝受偕至做一旬之會叙舊誼愛才華而猶未有深知也其後殆二紀落東西時往來于中而已今茲南至余以貞陵令寓直于東郭山中而洛元甫携二子濟大濟仁復尋藥師禪房讀書而來過贈余詩曰東郭履穿聊引興南棊几隱却忘情實際語也余委絰滄桑無意于世久矣而頭童齒豁獲落無成縻斗祿于茲枯木死灰固其宜也而如君者早登

司馬志在屠龍而迄未大聞鳴盛履雪東郭負笈山寺尚作老書生而當
路無能引汲者若使吾家翰林在世也豈有是也君尚不墜青雲之志經
學念書之暇吟嘯雪月並求其精於是乎益覺其賢也探其笈則有諸編
詩稿登鳥嶺泛洛江偏觀鷄林駕洛之古都挹圃隱晦齋之遺蹟東極于
萊海釜山而返其得諸山木間者當如何哉一斗百篇所以昌其系者可
知也其一則與企齋申受之孫溪金玉如兩學士唱酬之什而冠以齋居
感興次朱晦庵先生韻上自太極之圖精之訓至于洛建而存養者察之
要讀書窮理之方無不涉其波而啐其雋焉是其本也今乃盡知君天材
之篤學殖之富有如是矣近世師友淵源絕久矣鮮能私淑而自得者嗟
哉金生始可共言詩而論學也已余與君世好之舊相以押習亦云久矣
而今三見始盡其蘊知人之難有如是夫愛玩之深言不自己遂忘陋拙
題其後而歸之龍集大梁日躔玄枵之臘首陽後人吳彥誼謹書時侯

送剛齋之任燕岐序附詩

剛齋金洛元今將之任岐山余其執友也可無一言以贈別乎今之言者
曰讀書人不能治一邑然則所謂能治者吾未知其何等人耳剛齋讀書
士也其真不能治矣乎子路言有民人焉有社稷焉何必讀書然後為學
而夫子惡之則不讀書而能治吾不知信也子之優於學而未能試以至
于老白首今於小縣乎何有學固不敢論也而以子之已乎于身者觀之
則忠厚惻怛惻怛無辜此其實過於文而誠不可掩甫子以顯若之字將
見無所往而不自得也若其作聰明矜巧智以能吏名者非惟子之所短
抑深以為耻者也夫豈以此換役也哉若曰古今異道則非吾與子之所
敢知也如欲加之勉也則子之名齋以剛者已得之矣以子之曾慙而齊
之以無慙之剛焉其所以捷下伸上卓然自立者何可與沾：俗吏同課
也哉余言不過如此剛齋以為如何是為送燕岐使君序附以詩杜餞章

韻二首曰地福堪補松桂林儒城一畔鵲川陰詩送別風流遠征蓋仔
迴春雪深當世吏才多妙手知君古韻歎真心休將拄笏爲高致何似幽
居髮不簪黼黻違初志詩書潤此身朝廷重字牧邱壑少閑人官自清寒
分民應悃悃親行者吾道信何用別愁新
上之四年戊戌人日成近默識

又

子以剛齋號尊先考命早擢庠士晚通仕籍周甲而一麾賀者賀其喜也
余亦賀其賀而贈以言曰昔我素翁先祖補峴山時少痊先生詩以贐今
余之言亦豈徒然哉燕小縣也必子仁愛可推百姓之不忍欺而剛者柔
之及性固柔克治在剛明則子之顧名思義奉於望錫庭訓於爲政乎
何有剛齋勉之詩曰鼓角騷壇仕爾賢盡翁萍老共離筵堪憐白髮勞
形役祗愛清名赫世傳酒熟梅堂春晝後花迎墨綬錦江前風流少一東

城社悵望羣輞樹擁烟戍戍元月上浣小萃李仲及天峻和南

書剛齋遺集後

余與剛齋相知也晚過從無多而相與也深嘗往來于中也樂橋鮑屋與
剛齋舊宅棟宇相望兩家兒孫晨夕往來若一家人有時杖藜庭除望見
小樓前曲腰松未嘗不想見其人也剛齋之子濟大伯遊克家凡剛齋之
狀誌墓道文字皆乞於先友之山林長者蒐輯剛齋之詩文粧成一函請
序於先友之為藝苑宗匠者以余亦庸不鄙夷於剛齋也要惠一文字余
懶散廢學許之而未果者殆十年而未之忘也今茲之夏余在天藏山之
園齋徽慶成子聖思申子龜徵期會于直廬留連信宿成子忽顧語曰
每到林園佳處文酒之會輒思洛元洛元若在必已拈韻請賦矣因相與
悵然洛元剛齋之字而成與申蓋剛齋之久要也客去之明日伯游適又
見過因其友而懷其人見其子如對其面追憶京兆舊集實增黃壚之感

欲為一文字以踐伯游之諾遂就其集後而書之余之未識剛齋也過申
子之宅座有一客鬚眉衣巾淋淋有文墨氣余意其剛齋也將欲問諸主
人客忽先語主人曰此子非始卿也耶因相笑而語客果剛齋而始卿余
之字也其定交也如此余之守制於楊山也剛齋歷早禮畢坐久忽從袖
中出一詩軸展示之曰雖在嚴廬幸為我一正也余時無以為辭為看一
二篇還之剛齋每得一詩文雖不知已者輒使解之為安一字欣然改之
無吝色或終朝有事務晚就一詩喜曰今日亦不虛度凡知舊之往復唱
酬皆聯書於自家集中時摩挲諷誦而樂之蓋其耽書喜述作樂善好
問坦易真率若此余實寡聞未窺作者之藩籬不敢妄加許品而要之典
贍多積而發之者也今知舊凋謝如剛齋者不可得見而如其文章亦不
可復見安得不臨風流悵也庚戌夏五月少弟朴初壽述

溫陵令
時作

也其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

其時年歲已大也其月三日庚申時高士也

殤兒元興壙誌

以此誌附于先考遺稿之末者聊為壽傳不泯而安率任矣

兒之名曰元興謹承先考府君剛齋公遺命而錫汝者也父曰濟大母曰全州李氏兒生而資稟聰敏儀形警悟總言問行雲所止處學步以至十歲不病晝未嘗或寢雖飲於厭溢於讀一聽解敷輒綜核歸趣嘗云秦漢唐既未受禪位傳位之緒以征伐是取不可承三代正統每嘗諸葛孔明起兵幾歲幸捷南夷而一未勝魏雖云時運其才實所補矣但語及唐高者所讀只此而止也課輪誦七經百篇小學題辭出師表琵琶行襄陽敬唐五七絕等篇每後筆立書拍手朗吟頗有可尚即燈火詩云房中燈火一明可四方安待舉而朗讀黃昏到夜闌者是也究乎惜哉

憲宗壬寅九月初三日生偶病泄痢

今上辛亥七月二十一日丑時大

年終一甲寃結千古瘞楊州瓦孔面栗北村王母

贈淑夫人全州李氏

北次之右悲夫以寓孤獨之懷備叙顛末辛亥八月某日父濟大誌

人言此為大... 其... 其...

... 伊... 其... 其...

... 其... 其... 其...

... 其... 其... 其...

... 其... 其... 其...

... 其... 其... 其...

... 其... 其... 其...

... 其... 其... 其...


... 其... 其... 其...


... 其... 其... 其...


... 其... 其... 其...


... 其... 其... 其...

[illegible]











151